

卷四十一

明書家

佩文齋書畫譜

C. T. LOO & CO.
41 EAST 57th STREET
NEW YORK, N. Y.

NO. 513

HGT. _____

LENG. _____

NK
3634
.A2
Q243
1920
v.14

佩文齋書畫譜目錄

第四十卷

書家傳十九

明一

劉基

宋濂

高啓

楊基

張羽

徐賁

危素

危璫

宋璉

宋懌

杜環

詹希元

宋克

宋廣

陳璧

揭樞

張辰

朱芾

桂慎

胡廷鉉

汪廣洋

吳雲

趙好德

鄭沂

朱同

詹儼

邵誼

程曰可

陳遠

陳孟顥

熊鼎

俞貞木

陶宗儀

俞和

錢達

胡翰

王廉

葉見泰

張宣

焦伯誠

顧祿

孔彥縉

秦約

王行

素華

邵亨貞

朱應辰

烏斯道

陶琛

陶繼

曾鼎

詹俊

吳履

馬治

張簡

劉永之

素養福

張員

盧熊

盧熙

盧充穎

周砥

王時

唐肅

謝肅

趙古則

林鴻

鄭定

李汶

林弼

胡泰

黃瑛

黃銓

素復

陳昇

解泰

金鉉

金鈍

陸闔

陸頤

沈元素

劉檝

張宗華

鄭熾

羅性

楊眉

吳宏

吳懋

俞友仁

吳存

張矩

馬兼善

鍾弼

葉昭

章復

林奐

張翼

蕭質

孔訥

宋季子

桂衡

陸行直

楊耀宗

徐定

秦震

粘鵬

朱吉

朱定安

朱永安

鄭濟

鄭燧

劉敏

陸宗善

劉朴

楊熿

任勉之

俞仲幾

章昞如

楊彝

徐濟

劉理

劉素

劉良

胡時

林觀

屠任

嶽彥高

顧孝淵

胡璉

錙恕

黃采

黃壽

王洪

謝林

張紳

鄭金

薛穆

吳原頤

芮麟

林瑜

龔炯

董紀

周淵

王佐

薛績

范禮

馬孜

吳均

顏慤

黃昶

劉爆

吳植

張翊

沈宗學

沈貴成

都嗣成

徐彥裕

楊仁壽

周昉

金穎伯

李善

祝望

許鳴鶴

程輅

陸仁

沈世遠

何琮

謝章

陳元達

胡朝翰

張毅

方孝孺

徐輝祖

陳性善

鄭恕

王良

龍鐔

董倫

唐之淳

姚廣孝

姚繼

解縉

解禎期

金幼孜

胡廣

楊士奇

楊榮

楊溥

蹇義 夏原吉 胡儼 王景

趙毅 王達 鄒緝 陳洽

許廓 梁潛 朱勇 蘇伯厚

凌信 黃勉 高廷禮 王紱

王尹實 王侑 宣嗣宗 沈度

沈粲 沈藻 沈潮 滕用亨

王璉 王璉 梁時 楊文遇

夏昺 夏昺 朱孔易 朱銓

朱奎 陳登 陳景隆 吳勤

端木智 陳宗淵 柯暹 倪維哲

陳輝 王公亮 李禎 黃卓

王恭 熊檠 張誠 虞原璩

季德基 臧性 周寃 梁礪

沈洪 彭戢 潘吉 張緒

陸伯倫 張敵 張黼 陳琮

夏宗文 夏衡 范鼎 周賢

丘宗 趙楷 柴仲 沈潤

趙友同

方正

陳鐸

葉藻

茹洪

唐文楷

胡宗敏

李勝

江得

王賓

許性

蔣暉

范暹

張頤

周旼

范能

趙遠

黃蒙

吳餘慶

黃約仲

楊尹銘

張憬

張順

曹壽

劉日升

黃童

何博

平思忠

曹衡

陳敏

俞宗大

俞珙

俞順

王可與

潘暄

陳撫

楊弘

卓迪

王臣

金畝

胡子昂

唐子儀

陳儀

陳佑

黃守一

陳廉

王建中

胡正

孫玉

田致平

王毓

林銘

陸友仁

沈洪

李熹

陳尚銘

支子傑

范廷珍

葛貞

丁禮

劉布

俞行之

馬端

鍾誌

陳旭

陳琦

楊子超

陳孔立

尹昇

張衡

鄒穎

周許

薛章

孫詡

朱天宥

張潮

方澗

蘇復

張收

曾魯

包公慶

尹寬

朱雲

陳肅

第四十一卷

書家傳二十

明二

伊恒

龐敘

姜濬

衛靖

劉仲珩

曾榮

李時勉

陳敬宗

凌安然

龔永吉

蔣驥

陳璉

黃翰

吳凱

劉實

吳惠

陳紹先

盧璜

陸贊

李窩

徐明善

劉淵

陳信

鄭觀

黎斌

沈愚

蕭曰賓

周號

莫藏

姚綸

盧垕

陳用原

陳穎

李昶

王錫

林彬

謝克銘

彭敘古

林宗

林完

林儒

林傳

陳景茂

王直

王英

魏驥

金問

錢習禮

張益

高穀

張楷

程南雲

趙敏

王一寧

馬愉

金湜

金溥

張翔

林文

張翰

張約

張汝昌

徐觀

宋璪

胡敦

陳勉

張紳

張綽

沈訥

温良

蔣良

曾纘

邢讓

陳助

陳敏

岑俊

莊琛

周鼎

韓定

鄭達

王麟

張昂

易恒

陳贄

蘇鎔

蘇鉦

胡應東

襲錡

朱紳

凌廣

余孜善

施達

劉瑜

黃梅

徐叔礪

黃惟天

沈恪

鄒魯遺

凌暉

張天保

程學

于謙

俞山

陳詢

楊翥

王謙

沐璘

汝訥

張寧

任道遜

曹泰

羅麟

劉昌

劉嘉緒

聶大年

何觀

羅琥

李淳

林春

劉泰

張端

沈性

翟政

劉侃

林宗道

封錦

錢暹

汪瀚

朱曩

董璵

徐有貞

岳正

彭時

葉盛

劉鉉

周瑄

李紹

黃諫

趙昂

劉珏

官廉

孔公恂

胡信

左贊

丘霽

朱貞

沈鍾

張泰

馬愈

王徽

左明善

徐忬

葉藻

盧儒

伍福

吳與弼

洪昌

姜立綱

馬紹榮

柳楷

趙榮

俞綱

袁彬

蘇致中

蘇雨

張翼

章瑾

錢進

許廉

杜瓊

閻丘觀

黃暹

李厚

陸鑑

余謙

陳翀

凌耀宗

謝宇

吳謙

商輅

劉珣

錢溥

錢博

韓雍

夏時正

陳鑑

林鶚

余子俊

倪謙

沐琮

江玘

陳獻章

羅倫

莊景

張弼

張弘宜

張駿

蕭顯

王獻

林章

姚黼

姚綬

姚旬

蔣文藻

桑琳

桑悅

朱應祥

陳旦

李承箕

陳鋼

薛穰

楊茂元

林俊

涂瑞

吳佐

華清

史琳

翟瑛

奚昊

邵珪

曹時中

陶成

黃謙

何洪

張西銘

楊榮

沈瀚

李經

趙寬

尹蓋

李漢

陸淵之

李旻

馬瓛

屠勳

陳欽

施槃

陳大章

陳煒

陳焯

趙子禧

張錫

徐博

周庚

顧謙

陸鑾

洪鍾

沈應奇

吳東升

支鑑

陳謙

張翔

胡鍾

朱夏

蔡桂芳

郁瓊

李元壽

王瑛

陳文

倪祚

莫懋

王佑

張乾

史循

王暘

劉蒼

沈本初

張晟

蔣主孝

項麒

石璞

周禔

方炯

孫適

陶玻

葉綬

梁淮

沙洪

沙廷梧

鄺海

傅佐

吳震

柳濟

吳鑿

張順

余孟拳

陳綱

王禮

佩文齋書畫譜卷第四十

書家傳十九

明一

劉基

劉基字伯溫青田人元末舉進士累任皆投劾去太祖定括蒼以命來聘遂詣金陵上即位擢御史中丞封誠意伯鄭曉吾學編

公洞徹性理之學尤精天文兵法善行草朱謀聖書史會要

宋濂

宋濂字景濂浦江人學於吳萊名文章高帝既下婺聘為教授或時為文坐濂榻下口授書之洪武九年授翰林承旨自少至老未嘗去書豐體近視乃一黍上能

作字十餘何喬遠名山藏

宋太史書清古有法鮑翁家藏集

郎仁寶云公草書有龍盤鳳舞之象書史會要

唐宋名公俱以行草擅場昭代精細楷者宋景濂一人而已李日華六研齋筆記

高啓

高啓字季迪吳郡人少警穎力學遂工於詩居吳淞江上歌詠自適明興以薦與修元史授翰林國史編修官久之推任喉舌之司待以不次懇辭歸里遨遊青丘



甫里之墟始號槎軒又號青丘子 李志光高太史傳

啓善楷書飄逸之氣入人者曉行草入妙 書史會要

楊基

楊基字孟載 陶宗儀云其先蜀人徙居吳中 著書十萬餘言名曰論鑒與高啓張羽徐賁號吳中四傑

王師平吳籍置臨濠又遷之豫後起令平陽復從坐徙白鹿為從史再起東安還

授員外出按山西 名山藏

楊基正書師鍾元常行草師二王 書史會要

張羽

張羽 鐵網珊瑚云字來儀一名附鳳潯陽人 好著述文辭典雅紀載行事詳而有體洪武初以儒徵對不稱

旨放還又徵起為太常丞 名山藏

張羽隸法韓擇木 弁州山人稿

張羽楷法右軍曹娥碑雖未精極却能離俗而入於雅 詹景鳳卷五小辨

來儀書法纖婉有異趣髣髴謝莊月賦 李日華六研齋三筆

張羽喜臨蘭亭帖 書史會要

徐賁

徐賁 甫田集云字幼文自隰陵徙居吳之齊門號北郭生 洪武中徵起使晉冀還索惟所賦詩命給事殿中改御史又

改刑曹參政廣西進河南布政 名山藏

徐賁小楷法鍾兼虞亦雅然皆拘拘法內詹氏小辨

賁楷書清逸可愛書史會要

徐幼文楷筆秀整端慎不為沓拖自恣其草書雄緊跌宕出入旭素無不淋漓快

健六研齋筆記

危素

危素字太樸臨川人至元中為翰林學士承旨洪武二年授侍講學士知制誥博

學善文辭尤精于書得片紙隻字者寶秘以為榮宋濂學士集

素善楷書有釋智永虞永興典則書史會要

康里子山在南臺時臨川危素太樸饒介介之得其傳授而太樸以教宋璲仲珩

杜環叔循詹希元孟舉介之以授宋克仲温解縉書學傳校

危璲

危璲字朝獻素之弟官衛府紀善亦善行楷名山藏

宋璲

宋璲字仲珩宋濂次子官中書舍人精篆隸真草書嘗見梁草堂法師摹篆及吳

天璽中皇象書三段石刻觀之至忘寢食遂悟筆法小篆之工為國朝第一濂每

見佳處便曰寫老夫名足可傳世矣名山藏

高皇謂小宋字畫迥媚如美女簪花黃應台浦江人物補遺

宋璲大小二篆純熟姿媚行書亦有氣韻

書史會要

近代能草書者吳興趙公子昂公所敬者為鮮于公伯幾稍後得名者為康里公
子山繼三公而作者金華宋仲珩草書如天驥行中原一日千里超澗渡險不動
氣力雖若不可蹤跡而馳驟必合程矩直可凌跨鮮于康里使趙公見之必有起
予之歎

方孝孺遜志齋集

仲珩草書出入變化不主故常又非株守一格者此真翰墨之雄也

李東陽懷麓堂集

璲書法端勁温厚秀拔雄逸規矩二王出入旭素

過庭訓分省人物考

仲珩筆法沉頓雄快兼篆籀急就之能不獨步驟旭素也

六研齋筆記

宋懌

宋懌仲珩之子奉母居蜀思紹父學蜀王至國聞而閱之時賜粟帛賜其家撫勞
教育者甚至繇是得專於學其書亦工

遜志齋集

杜環

杜環字叔循其先廬陵人侍父一元游宦江東遂家金陵好學工書為晉王府錄
事

宋學士集

國初環被薦太祖善其書入侍春坊仕終太常丞

名山藏

杜環正書入能品

藝文苑

杜環書法端妍至於行草亦各臻妙

分省人物考

詹希元

詹希元後更名希原字孟舉新安人號逸菴丙寅訥叟幼從父官勝國至洪武初為鑄印副使後官中書舍人解縉書學傳授

詹希原善大書兼歐虞顏柳凡宮殿城門坊扁皆希原書吾學編

詹孟舉嘗作太學集賢門字畫道勁第用趯太祖見而怒曰安得梗吾賢路遂削

其趯李文鳳月山叢譚

詹孟舉篆書用筆絕類秦不華王貞婦碑葉盛水東日記

希原署書於端重嚴整中寓蒼勁雅秀之趣是為難能耳若小字則稍熟媚詹氏小

辨

宋克

宋克字仲溫吳人名山藏云洪武初為鳳翔同知博涉書傳少任俠久之稍厭事闔門寡將迎素工草

隸逼鍾王忠求者衆遂自闕希家南宮里故自號南宮生高啓南宮生傳

宋克書出魏晉深得鍾王之法故筆精墨妙而風度翩翩可愛或者反以纖巧病

之可謂知書者乎魏翁家藏集

克書學急就章得古人之妙王穉登丹青志

宋廣

宋廣字昌裔陶宗儀云南陽人仕沔陽同知善草書名山藏書家傳十九

佩文齋書畫譜

卷四

三 同文圖書館印

昌裔擅行草體兼晉唐筆勢翩翩而謫辰州後乃大有造詣

楊士奇東里續集

廣草書宗張旭懷素章草入神

書史會要

廣與宋克宋璉俱以善書擅名人稱三宋然評者謂廣書較之二宋不逮以其筆

之聯續不斷非古法也

寓意編

陳璧

陳璧字文東華亭人

詹氏小辨云號谷陽生

以文學知名尤善篆隸真草流暢快健富於繩墨洪

武間以秀才任解州判官調湖廣

孔輔等華亭志

璧與三宋齊名用筆俱從懷素自敘帖中流出

書史會要

宋克游松江陳文東嘗從授筆法吳僧善啓謂宋筆正鋒陳多偏鋒以是不及云

松江志

文東國初名筆松人宗之

懷麓堂集

陳谷陽正書酷似歐陽率更行草漸逼大令篆書亦入格

何良俊四友齋叢說

揭樞

揭樞字平仲豐城人至正初揭文安公以楷法得名傳其子法其孫樞樞在洪武

中仕為中書舍人與仲珩叔循聲名埒云

解縉書學傳授

樞正書得其家傳

書史會要

張宸

張辰字翰宸朱謀聖云一名子黼號卓愚又號瑞白居士嘉定人博學工古文尤知名於書洪武初聘署儒學

訓導吳中人物志

國朝書家如宋仲温陳文東張翰宸三人難為伯仲其意外之意非常人可及陸深

儼山集

朱芾

朱芾字孟辯華亭人松江志云自號滄洲生列朝詩集云洪武初以徵聘至官編修改中書舍人工詞章翰墨之學真草篆隸清潤道

勁風度不凡書史會要

朱芾善篆以所書瘞之細林中題曰篆冢賴良大雅集

桂慎

桂慎與朱芾同時宋濂春秋本末序云正書入梓者中書舍人朱孟辯宋璫桂慎鑄印局

副使詹希元云潛溪集

胡廷鉉

胡廷鉉奉化匯溪人字公惠少學歐陽詢書法洪武初召至京師上命詹孟舉廷

鉉各寫千文一本以進上覽之廷鉉書法過孟舉遂令書皇陵碑道勁可嘉授中

書舍人張時徹寧波志

汪廣洋

汪廣洋字朝宗高郵人通經能文善篆隸大書尤工歌詩少從余闕學游太平上

風入骨書畫譜 卷四十一 書家傳十九 四 同文圖書館印

渡江名入見與語大悅留幕下洪武三年封忠勤伯四年為右丞相 吾學編
廣洋大字莊重非時人所及 月山叢譚

吳雲

吳雲字友雲宜興人仕元為翰林待制洪武元年徐達北定元都以禮敦遣赴京
除弘文館校書郎五年拜刑部尚書弘治中謚忠節 雷禮國朝列卿記

吳雲書師虞永興 書史會要

趙好德

趙好德字秉彝汝陽人幼警敏有經濟志刻苦力學能文章善大書渡江見太祖
以儒士命同知陝州事累官吏部尚書 李宗延汝陽縣志云贈武節將軍號騎尉汝陽縣子列卿紀

鄭沂

鄭沂字仲與浦江人宋義門之裔洪武時召義門子弟選擢備用又徵大姓賢能
者授以重任除禮部尚書 列卿紀

沂善篆隸 書史會要

朱同

朱同 范標書韻稿改云字大同號 休寧人洪武中舉明經授徽州府教授擢吏部員外郎試

禮部侍郎 列卿紀

同入侍懿文太子太子愛其書殊親重焉 詹氏小辨

詹儼

詹儼字以寬休寧人洪武初官翰林學士以善書名與朱大同旗鼓足相當而韻

稍不逮詹氏小辨

邵誼

邵誼字思宜休寧人洪武初以文學舉授本縣訓導黟縣善篆隸詹希原朱同

咸推重其字學萬姓統譜

思宜分書學受禪碑亦雅勁詹氏小辨

程曰可

程曰可休寧人與朱同同時楷書結體纖長而筆雅秀腕力在陳文東上詹氏小辨

陳遠

陳遠字中復一字中孚名山藏云陳遇之弟也從中書左丞韓伯高受易工書法有晉人風度太

祖時為文淵閣待詔張時儼寧波志

陳孟顥

陳孟顥中復子善書名山藏

熊鼎

熊鼎字伯穎臨川人太祖親征豫章徵授中書考功博士後為岐寧衛經歷潛溪集

太祖命博士熊鼎編類古人行事可鑒戒者書壁間又書大學衍義於兩廡名山藏

俞貞木

俞貞木初名楨字有立吳縣人受易於永嘉陳麟旁讀他經史為古文辭元季杜門隱居洪武初以薦起知韶之樂昌王世貞吳中往哲像贊

貞木善小楷長於用筆短於結構書史會要

陶宗儀

陶宗儀字九成黃巖人少舉進士一不中即棄去務古學無所不窺尤刻志字學工舅氏趙集賢雍篆筆洪武辛亥詔取天下士癸丑命守令舉人才又以病免列朝詩集

云九成詩自致洪武二十九年丙子率諸生赴禮部考試讀大浩賜鈔遺歸其晚年亦曾列官教授耶建文初尚在亦其詩云由避兵家淞城之北泗水之南閉門著

書有書史會要九卷孫作滄蝶集

俞和

俞和字子中杭人號紫芝解縉云桐江人寓居錢塘冲澹安恬隱居不仕能詩喜書翰早年得見趙

文敏運筆之法臨晉唐諸帖甚夥行草逼真文敏好事者得其書每用趙款識倉

卒莫能辨陳善杭州志

俞和以書鳴洪武初後進猶及見之解縉書學傳授

錢逵

錢逵字伯行父良佑以家學有書名逵嘗為江湘行省管勾架閣歷淮南行省員外郎國初遜赴京師同太常議禮禮成發鳳陽居住尋歸復以事遣詣京卒吳中人

錢逵才氣飄逸真草篆隸不失規矩

書史會要

胡翰

胡翰字仲申

列朝詩集云一字仲子

金華人太祖召見除衢州府教授洪武乙酉纂修元史書成

賜白金文綺辭歸卜居長山之陽學者稱曰長山先生

應廷育金華先民傳

王世貞國朝名賢遺墨有胡翰書

弇州續稿

王廉

王廉字希陽麗水人洪武初薦入翰林修史書成授太子說書累官至陝西左布

政字宗韓擇木兼精篆隸

何鏜括蒼志

葉見泰

葉見泰字夷仲臨海人讀古今兵法悉知用兵之道天兵取台州衣褐衣造軍門

署部從事授高唐判官終刑部主事

林右公輔集

見泰博學善草書

文徵明甫田集

張宣

張宣字藻仲初名瑄江陰人少負才名洪武初以考禮被徵尋入史局與修元史

擢翰林院編修

列朝詩集

張宣作字得行楷之法

書史會要

高啓草書歌贈張宣云昔聞汝祖東吳精醉傳草聖醒而驚汝今能飲不滿杓逸氣欲與相崢嶸高堂把筆若把槊長綃一拂悲風生陰垂大澤雷雨過響破巨峽波濤傾颺颺游絲罨晴晝落落高斗迴寒更飲猿連臂深澗絕飢鶻振翅荒煙橫自言靜裏觀萬物故能變化窮其情

高太史集

焦伯誠

焦伯誠華亭人潔身修行教授于鄉通五經尤長於書

松江志

顧祿

顧祿字謹中華亭人能詩善書行楷學蘇文忠公而尤工於分隸洪武中爲太常

典簿

華亭志

顧祿嘗過鄱陽湖賦詩太祖聞之命盡進其所作故其集名經進嗜酒善書高士敏贈詩有兩京書博士一代酒神仙之語

列朝詩集

孔彥縉

孔彥縉襲封衍聖公精篆書筆力豪壯入於能品顧謹中爲賦詩云魯國名公篆法奇懸針倒薤總相宜其譽在當時如此

書史會要

秦約

秦約字文仲崇明人博通諸經尤邃於詩洪武間以文學薦擢禮部侍郎

陳沂南載

志

秦約善書 唐氏小辨

花雨軒記洪武四年秦約書 名蹟錄

王行

王行字止仲號半軒更號楮園吳縣人洪武初郡庠延為經師 朱國楨開國臣傳

王行雖不以書名觀其二王書法辨曲盡書家之法必能書也 書史會要

袁華

袁華字子英少好讀書尤工為詩顧瑛家多名畫法書日與共閱洪武初辟郡文

學 劉鳳編吳先賢贊

張公墓志銘洪武六年袁華撰并書 名蹟錄

邵亨貞

邵亨貞字復孺華亭人 列朝詩集云上藥溪上以貞谿自號博通經史贍於文詞工真草篆隸書洪武初

為府學訓導 顧清松江志

朱應辰

朱應辰字文奎與楊維楨游洪武初辟郡掌教為文繁而不猥詩工長句篆籀法

古嘗命書符印 開國臣傳

烏斯道

烏斯道字繼善慈谿人文尚體要尤長於詩兼精書法小楷行草各臻其妙國初

薦為江西永新令 張時徹寧波志

陶琛

陶琛字彥珩有文學洪武初以薦為儒學官志尚高潔工古篆書多得籀法 皇甫洪

長洲志

陶繼

陶繼字伯承琛子枝江知縣亦有能書名 皇甫洪長洲志

曾鼎

曾鼎字元友更字有實泰和人有孝行人稱曰曾孝子元末為濂溪書院學正洪

武三年以明經舉引疾辭博學強記工詩擅八分書範金為小印章渾然古意 楊

士可東里集

詹俊

詹俊字用章姑孰人洪武四年被徵授磁州同知陞汝寧通判善吟咏尤喜作大

書 東里集

吳履

吳履字德基蘭溪人俊邁有奇材通諸史願學司馬遷班固最好書尤工行草得

之者藏弃為祭國初為南康丞 開國臣傳云擢知 濠州 宋學士集

馬治

馬治字孝常宜興人為詩文典雅沖澹善真行書元末與周砥避亂隱居西澗洪武初由茂才舉授內丘知縣遷建昌府同知

沈敕荆溪外紀

洪武而下至永樂多法詹宋馬治小字獨法晉唐豈其人亦邁時者邪

詹氏小辨

張簡

張簡字仲簡姑蘇人讀書知古今寄迹老子法隱居鴻山

列朝詩集云元季兵亂以母老歸遂返巾服洪武二年召修元史

作詩淡雅有陶韋風翰墨無俗氣而暗合書法

顧瑛玉山草堂雅集

張仲簡書法婉媚

劉鳳續吳先賢讚

劉永之

劉永之字仲修清江人

管大勳臨江府志云自號山陰道人國史名編禮書成以疾辭歸

詩文清麗古雅為當時所重工書

法篆楷行草皆有師承家富於貲賒貸施數郡仲修獨泊然布素日靜處一室以

書籍翰墨自娛

東里集

袁養福

袁養福字能伯吳郡人國初為福建憲史有詩名精於書法

列朝詩集

養福所書郭有道碑文端勁清峭深得歐陽率更筆意以其字畫之妙如此宜有

書名於時然吳人固不知有袁養福也

鮑翁家藏集

張員

張員字壹民一字天民

楊撫餘姚志云號雲航

左目無瞳子自稱左瞽善草書洪武初辟為開化

教諭 孫鑄紹興志

盧熊

盧熊 莆田集云字公武崑山人 洪武初名儒通篆籀學嘗為兗州知州既視篆具奏印文究字誤類

袞上不怡幾被禍後卒坐累 水東日記

盧熙

盧熙字公暨熊弟博學好古善楷法洪武初以薦授睢州同知 張大復崑山人物傳

盧充穎

盧充穎字次農熙子文學得於家傳制行尤高以能書薦留誥司 蘇州志

周砥

周砥字履道姑蘇人 莆田集云號勃濯生書畫史云洪武中以人才授興州判官 性字閒靜學藝淹博行草書運筆分行

勻穩 書史會要

周砥效東坡書甚工 姑蘇志

詹解鳴於朝盧 熊 周 砥 著於野朝者乃當讓野 祝允明畫遠

王時

王時字景南博學好古精於篆隸章草用意深密凡六書源委靡不擇究深為盧

熊之所稱美 方廳崑山志

唐肅

唐肅字處敬自號丹崖居士山陰人為文簡潔而雅奧詩步驟盛唐尤工篆楷深得筆意洪武三年召修禮樂書擢應奉翰林文字承事郎同知制誥兼國史院編修官

蘇平仲集

謝肅

謝肅字元功上虞人學問該博洪武中舉明經授福建按察司僉事與唐肅齊名時號會稽二肅

紹興志

謝肅正草皆宗晉

書史會要

趙古則

趙古則字撫後改名謙餘姚人洪武初徵修正韻為國子監典簿罷歸築考古

臺述六書之旨精義入神得於圖象言意外後復召為瓊山教諭

紹興志

謙嘗言讀書必貴識字故曰六書明則六經如指諸掌乃著六書本義十二卷

史會要

林鴻

林鴻字子羽閩人洪武初以人才薦授將樂訓導七年拜繕部員外郎

名山藏

林鴻詩法盛唐書臨晉帖殆逼真矣惜惟得其貌耳

徐秦詩談

鄭定

鄭定字孟宣閩人善擊劔工古篆隸書洪武中舉明經為延平府訓導永樂中遷

國子助教 名山藏

定以草書名天下甚為解學士所推許 書史會要

李汶

李汶字宗茂博學多才善漢隸國初名為史館編修與修元史授巴東南和今晚年歸隱鄉里扁其所居曰兼山艮所號石泉翁嘗集蔡邕書成四言古詩以訓其子寧門人張中謂其結體道勁筆勢飛動若長鎗大劍交馳其壯且武也若商彝周鼎之銘其文甚古也 李憲太平府志

林弼

林弼字元凱龍溪人故名唐臣登至正進士授郡幕官洪武二年郡以名儒聞於朝太祖遣使三徵之更名弼授吏部考功主事轉郎中出知登州雅精臨池嘗與王太史禕談書法謂用筆須偏正兼備乃臻妙境近世趙孟頫側鋒太多不能逃筆牀月旦 閩書

胡泰

胡泰字志同號雲松巢洪之南昌人善真草書能文洪武初寓居萬載縣之涂泉 吳敬萬載縣志

黃瑛

黃瑛字良潤一字玉田句容人洪武初由明經及字學授應天府學教授益苦於

學書法造詣精妙 江寧府志

黃銓

黃銓字衡可一字金鼎瑛子洪武間亦以字學選入翰林 江寧府志

袁復

袁復字仲仁博學工文尤善晉人書法國初為大理少卿 聞人詮寶應志略

陳昇

陳昇國初以能書舉為吏部主事 寶應志略

解泰

解泰字季通一字成我吉水人絕意進取究竟六籍旁搜百家尤善楷書不效妍

媚方正嚴重類其為人洪武初累辟不起 解學士集

金鉉

金鉉字文鼎別字尚素華亭人自幼嗜學致孝其母洪武中徵至京師有欲薦其

才者懇以母老辭為人蕭灑絕俗喜吟咏有古詩人風作書畫皆極造詣 東里續集

鉉工章草 書史會要

金鈍

金鈍字汝礪鉉子官至中書舍人精楷書章草 書史會要

陸闔

風人齋書畫譜 卷之四 書家傳十九 十 同文圖書館印

陸闓字伯陽

歐陽東鳳興化志云世稱友蘭先生

興化人洪武中任為楚府伴讀長於詩兼工書法極力

鍾元常王逸少父子曰去此非第一義

東里集

陸顥

陸顥字伯瞻闓之弟洪武中由明經辟舉任禮部主事永樂中奉勅建湘獻王碑

屢獻詩文字畫太宗以三絕稱之

興化志

沈元素

沈元素古田人元時赴都寫金字經授福州教授後謝歸洪武初舉授古田學訓

書篆琴畫皆工後擢僉憲

劉曰陽古田志

劉檝

劉檝字子川吉水人善楷書有才名洪武三年以明經徵授兵部主事遷工部主

事

周廣吉水縣志

張宗華

張宗華字穎之沙縣人清介絕俗博學善文詞尤工書法為時所重評其書者謂

如秋雲捲雨蒼石纏藤洪武中以懷才抱德舉詔再徵以老辭

諱耀沙縣志

鄭燧

鄭燧字宗晦鄭杓子洪武中辟興化縣訓導天才逸出長八分書

閩書

羅性

羅性字子理以字行江西泰和人洪武初詔郡縣立學聘為學師四年中鄉試授德安同知書法鍾元常

開國臣傳

楊肩

楊肩字嗣慶吉安人學有根柢行端謹妙於詩文洪武中以孝廉文學善楷書舉皆不赴以纂修起亦不就取足壟畝襟抱灑然卓然陶潛徐穉之風

開國臣傳

吳宏

吳宏饒州餘干人仕陳友諒為行省參政上取江州遂全城來降以功拜中書左丞後遷親軍指揮涉獵經史能詩工書奉母至孝見重於士大夫

開國臣傳

吳懋

吳懋西安人洪武初以蘇州知府左遷大冶知縣工楷書

湖廣總志

俞友仁

俞友仁錢塘人洪武辛亥進士為襄陽縣學教諭博通經史善草隸書尤工於楷

湖廣總志

吳存

吳存南昌人洪武初領鄉薦授刑部主事歷湖廣參政有才名善吟詠長於草書

湖廣總志

張矩

張矩字孟方其先廣陵人徙家崇安得屏山先生遺書讀之遂通五經所書諸體皆精絕國初薦為訓導書史會要

馬兼善

馬兼善會稽人元季寓居華亭洪武初由明經任松江訓導工行草書史會要

鍾弼

鍾弼善隸書洪武初為會稽主簿書史會要

葉昭

葉昭字子宣星子人通經術能詩文善隸古洪武初為南康府訓導林庭樞等江西通志

章復

章復江西鄱陽人有學行能文章尤工書翰洪武初為全州知府程廷珙廣西通志

林奐

林奐字元美懷安人閉門讀書書法道美國初被薦於有司以聵眊辭閩書

張翼

張翼字飛卿唐樞國琛集云無錫人作行草書鳳舞鸞翔人以為不可及開國臣傳

蕭質

蕭質字謙用洪武八年為永新學正詩有唐人風致又喜作草書變化道勁能步

武義獻烏斯道春草齋集

孔訥

孔訥字言伯宣聖五十七世孫襲封衍聖公

吾學編云洪武十七年襲封

能詩工篆法人得之者皆

傳誦誇美相貴重

胡儼臨卷文選

宋季子

宋季子以字行家於臨川為詩文有法且留意於隸古之書所獲漢魏諸碑刻必夙夜潛玩三走鄱陽見伯誠先生歐君復悉以作隸之法授焉復從龍虎山中質諸方壺翁從義翁於是學大進遂以善隸書知名

宋潘重校漢隸字源序

季子善草隸洪武中為周府奉祠

金谿人物志

桂衡

桂衡字孟平睦人洪武中為錢塘儒學修業齋訓導遷山東轉谷府奉祠詩文字

畫皆有可觀

水東日記

陸行直

陸行直字季衡吳江人洪武中以人才授翰林典籍

書史會要

行直善書

詹氏小辨

楊曜宗

楊曜宗晉江人洪武中以明經薦授晉江訓導累遷韓府長史善古文書法

歐大任

清源文獻

徐定

徐定字弘道永嘉人工隸楷洪武庚午中應天鄉試擢親王府紀善改監察御史

東里續集

秦震

秦震臨邑人性聰慧不待學而能書嘗入水得古碑以手摩之出而書錄不遺一字洪武庚午舉於鄉

張文炳濟南府志

粘鵬

粘鵬字時舉武邑人工於詩辭尤善草書篆洪武庚午舉人除四川閬中教諭取入翰林未及赴京

黃試武邑縣志

朱吉

朱吉字季寧崑山人洪武中被薦授戶科給事中以善書改中書舍人遷翰林侍書出為湖廣按察僉事

崑山人物傳

朱定安

朱定安字士隆吉長子精楷書尤工古篆得周伯琦筆法嘗積其書草瘞之名篆

冢

方鼎崑山志

朱永安

朱永安字士常定安弟博學工詩文又善真草書得晉人筆法嗜古書購蓄甚富

鄭濟

鄭濟字仲辨浦江人受學宋太史為詩文書法得晉唐諸體洪武癸酉召授左春

坊左庶子

鄭柏賢遠傳

鄭燧

鄭燧字允資濟從姪歌詩俊逸尤工楷書

賢遠傳

劉敏

劉敏字孟功長洲人洪武中薦授德清知縣後以善書徵入翰林拜中書舍人

蘇州志

陸宗善

陸宗善字尚訥華亭人洪武中以碩學高行舉於鄉再令劇邑為詩流麗雄偉字

畫亦清勁

華亭志

劉朴

劉朴字子素吉水瀘江人少有志節耿介絕俗其書清勁灑落為文章詩歌古雅

典則洪武二十年試翰林得官客死京師

解學士集

楊煒

楊煒字尹昭縉雲人洪武戊辰進士除刑部主事轉御史以清直著名工詩文及

晉書法學者宗之 括蒼志

任勉之

任勉之字近思華亭人登洪武甲戌進士官至睢州知州文學楊鐵崖書學米南

宮而不以自名 顧清松江志

俞仲幾

俞仲幾 未詳曾書史會要作仲基 其先河南人居上海竹岡西工書與宋克相友善 松江志

章昞如

章昞如能詩善楷書仕至中書舍人 松江志

楊彝

楊彝 紹興府志云字宗彝 餘姚人文章書畫無不精妙尤長於詩洪武間為長泰主簿長子志

編戊普安彝乞就養居東屯四面多松軒曰萬松自號萬松老人 貴州通志

徐濟

徐濟蘇州人洪武中知邵武府工楷書 邵武志

劉理

劉理字彥銘先世從開封徙金陵洪武中以善篆書為中書舍人 劉思敬存徵續集

劉素

劉素字太初理之子永樂中以正書選入翰林供奉久之命繼父為中書舍人 存

劉良

劉良素之子亦以能書薦修宣廟實錄存徵績集 顧起元客座贊語 云三世能書皆官中書舍人

胡時

胡時字子俊上杭人以明經教授於鄉善詩工楷書洪武間薦授本學訓導伍晏汀

州志

林觀

林觀字用賓閩人洪武中隱居不仕善隸書陶書

屠任

屠任岷人家貧力學善詩文兼精篆隸洪武間任蕭縣訓導遷河南武陵知縣紹

興志

嶽彥高

嶽彥高號雪樵蒙古色目人太祖時為雲陽令免官流落江湖因家武塘精懷素

草書章士雅嘉善志

顧孝淵

顧孝淵以孝友稱善草書宗雪樵後從事藩府以註誤遷文安倪璣嘉善志

胡璉

風文齋書畫譜 卷四十一 書家傳十九 古 同文圖書館印

胡璉洪武中以楷書任工部主事

張雲翔鳳陽縣志

錙恕

錙恕字如心洪武間為福建某驛丞歸隱越山之西喜為古文及篆隸章草

列朝詩集

黃采

黃采字宗素號一齋嘉定人洪武中貢之國學授御史陞兗州知府書法趙承旨

唐氏小辨

黃壽

黃壽字永齡采子亦能書

書史會要

王洪

王洪撫州人詹景鳳云洪武中有撫州王洪者作小字勻淨成家

唐氏小辨

謝林

謝林字瓊樹好學工文詞尤精真行篆隸書著字學源委五卷以正近代六書之

謬洪武中用薦為新鄭教諭

孫偉德毘陵志

張紳

張紳字士行山東人

列朝詩集云字仲紳洪武中為浙江布政

負才略談辨縱橫能作篆書

書史會要

張紳工大小篆精於賞鑒法書名畫多所品題撰法書通釋一卷自稱雲門山樵

亦稱雲門遺老

靜志居詩話

鄭金

鄭金字公濟常熟人洪武二十四年由明經授大理評事進監察御史陞廣東按察使改福建左遷濟南知府能詩善書翰

鄧執常熟志

薛穆

薛穆字公遠號澹園洪武中爲柳州通判能詩文善楷書

書史會要

吳原頤

吳原頤宣城人博學明經善詩文隸書洪武間爲寧國府訓導歷國子博士致仕後應召修書成乞歸

分省人物考

芮麟

芮麟字志文宣城人洪武間知台州府謫戍邊後以薦知建寧府爲政有古循吏風且好學不倦尤善楷書

分省人物考

林瑜

林瑜字子潤號後山漳之龍崑人洪武中以太學生擢五軍斷事終浙江參政能

詩文善書法

書史會要

龔炯

龔炯字延璋晉江人刻志爲學詩文爲當時所稱書翰道勁端嚴得歐陽率更筆

意洪武中應薦以親老乞歸八閩通志

董紀

董紀字良史西郊笑端集云以字行更字述夫號一槎上海人洪武中任江西按察僉事善草書書史會要

周淵

周淵壽昌人洪武中為中書舍人累官四川參議善書翰書史會要

王佐

王佐定遠人篤學好古凡法帖名畫多能鑒定善虞世南書洪武時以才為鎮撫

開國臣傳

薛績

薛績字汝嘉號古巖吳江人善書書史會要

范禮

范禮字宗嗣常熟人真草篆隸俱能書史會要

馬孜

馬孜字彥強吳江人善書洪武中嘗受薦不仕吳中人物志

彥強從詹孟舉遊名山觀前人碑石議論筆法小楷歸宗晉唐後自列門閥精絕

可愛書史會要

吳均

吳均字平仲 廣東通志云臨川人共武末寓瓊州後擢高第青陽集附錄云官右春坊在中允 善書法 書史會要

顏慤 誤作顏慤今從鐵網珊瑚

顏慤字存誠慈溪人官司經局正字真草篆隸俱工 書史會要

黃昶

黃昶字叔暘義烏人以明經舉於鄉宋濂纂修實錄以工書服勞史館事竣受命

伴讀齊府 劉基舉眉公尊

劉爆

劉爆字彥正鄱陽人嘗為嚴之建德令留意篆學歷年之久靡不貫通 宋濂篆韻集

鈔序

吳植

吳植字子立嚴州人以處士徵授藤州知州別自號白玉壺善草書 列朝詩集

張翊 一作翼

張翊字翔南其先睦人徙居樵李 吳中人物志云太倉人 博學強記屬文敏捷好為奇澀語而切

於理正書宗晉 書史會要

翊書大字如斗終日揮灑不倦蓋其所長也 吳中人物志

沈宗學

沈宗學字起宗隱於煉墨自號墨翁博學善書能作徑尺大字詹孟舉評其書兼

歐虞顏柳有冠裳佩玉氣象

吳縣志

沈貴成

沈貴成字志道宗學子亦博學能書

吳縣志

都嗣成

都嗣成字文信善書有晉人筆意自號省菴

吳縣志

徐彥裕

徐彥裕華亭人工草書善騎射

松江志

楊仁壽

楊仁壽號漁隱天台人寓松江字學鮮于樞得其風韻

松江志

周昉

周昉字元亮號草庭讀書樂道以古人自期詩文典雅作小楷得晉人筆意

杭州志

金穎伯

金穎伯從武林俞紫芝游邃於經學工書為人清介雅飭

秀水志

李善

李善字性初宜山人結茅隱居精楷書逼真晉人

王文炳慶遠府志

祝望

祝望字公望龍游人絕意仕進結廬石處山隱焉工於琴詩尤善臨池技

萬廷謙龍

許鳴鶴

許鳴鶴字暨廣廬陵人官中書舍人受業詹孟舉之門行草沉著可愛書史會要

程輅

程輅字伯衡江西新城人精於書札尤長篆隸亦號東臯處士王材江西新城縣志

陸仁

陸仁字良貴太倉人明經好古以詩名於時復工字學楷書草書皆矜貴錢肅樂太倉州志

沈世遠 何琮

沈世遠何琮皆不知爵里大抵洪武初人多法趙詹氏小辨

謝章

謝章太祖時人詹同謝章隸書歌云君不見天雨粟泣魑魅蒼頡制字洩天祕蝌蚪之文

久茫然史籀秦斯兩相繼大小二篆生八分此後六書從簡易邕邈隸字近古淳

義旭行草紛如雲謝章讀書隸更好使我見之過所聞不求妍巧自奇拙禹鼎周

彝文斷缺連昌宮中墜井釵赤壁江底沉沙鐵魚魚雅雅錐畫深一字豈但值百

金冠冕佩玉古君子天生古貌多古心春蚓秋蛇世交錯嗟我豪端久荒落墨池

風暖白日長正欲相從謝章學詹同天衢舒晴集

陳元達

陳元達太祖時人宋濂耘菴銘曰良鄉丞陳謙嗜學弗倦慨然有志於事功陳翰林元達

以飛白書其憩止之室曰耘菴宋濂翰苑別集

胡朝翰

胡朝翰太祖時人方孝孺默山精舍記云余年十七八侍先君守濟寧壽昌胡君朝翰自

太學來分教魯諸生能為詩執筆作行草書蜿蜒滿紙余私敬愛之遜志齋集

張穀

張穀太祖時人方孝孺感舊詩云杯酒論心有幾人天台張穀舊相親近來詩句多奇語

書比藏真更絕倫遜志齋集

方孝孺

方孝孺字希直一字希古寧海人洪武二十五年擢漢中教授蜀獻王聘為世子

師為名其讀書之廬曰正學皇太孫即位召為翰林博士進侍講尋陞侍講學士

靖難時以死殉吾學編

希直不以書名而剛方不折之氣流溢筆墨間介州山人稿

徐輝祖

徐輝祖中山王長子初名允恭太祖賜名輝祖嗣魏國公嘗侍懿文太子學通經

大義從詹希元學書善書大字建文君特見信任文皇即位勒罷幽繫卒吾學

陳性善

陳性善名復初以字行山陰人洪武十八年進士授行人司副改翰林檢討善楷書名書御前他中書見上威嚴顛不能筆獨性善動止端詳稱上意賜酒留禁中竟日累遷禮部侍郎靖難兵起以副都御史監軍靈壁與彭與明等皆見執朝衣而沉河名山藏

鄭恕

鄭恕字本忠仙居人能賦詩善書畫好古博雅家甚貧一介不妄取日與生徒講論經理高風勁節一時敬嚮寧波知府禮聘為昌國訓導未幾知蕭縣靖難師破

蕭恕死之吾學編

王艮

王艮字欽止吉水人建文時進士官翰林修撰為人正身飭色不可玩狎詩詞警永字畫精妙為文雄偉光彩燕兵渡淮服腦子卒名山藏

龍鐔

龍鐔字德剛萬載人問學該博長詩文善草隸洪武中為浙江按察使謫知長洲縣尋陞晉府長史靖難師起不屈死吳敬萬載縣志

董倫

董倫字安常恩縣人僑居宛平質直有文學從游者稱為貝川先生洪武十五年徵為右贊善建文即位拜禮部侍郎兼翰林學士

李賢續藏書

董倫篆宗周左丞

書史會要

唐之淳

唐之淳字愚士以字行博聞多識為文蔚贍有俊氣長於詩而善筆札洪武中

屢欲有薦之者謝不就建文即位召拜侍讀預修書事

遜志齋集

姚廣孝

姚廣孝長洲人幼名天禧至正間為僧名衍字志道好讀兵書尚謀略兼為詩學

書靖難後為太子少師贈榮國公謚恭靖

吾學編

廣孝書法古雅全以筋勝

書史會要

姚繼

姚繼名山藏云太宗賜名李東陽云少師一帖小楷書稱姪繼代書少師賑濟還吳見酒帘字

問知一少年書呼而見之養以為子太宗官之至太常少卿是代書此跋者也

懷麓堂集

堂集

解縉

解縉字大紳

名山藏云一字縉紳格古要論云號春雨

吉水人自幼穎悟絕人洪武二十一年進士授中書庶

吉士文皇正位雅聞縉名召置左右進侍讀學士其文雅勁奇古逼司馬子長韓

退之詩豪宕豐贍似李杜書小楷精絕行草皆佳 列卿記

天子愛惜其楷書至親為之持研 任亨泰解學士文集序

縉學書得法於危素周伯琦其書傲讓相綴神氣自信有農家陸穎者善縛筆縉

欲作佳書必得穎筆 名山藏

永樂時人多能書當以學士解公為首 魏翁家藏集

縉狂草名一時然縱蕩無法正書頗精妍 藝苑死厄言

解禎期

解禎期縉之從子也以善書選天下第一仁宗召為中書舍人 名山藏

禎期書疎雋自喜不失春雨門風 王世貞續名賢遺墨跋

金幼孜

金幼孜名善以字行中進士乙科授戶科給事中太宗初臨御改翰林檢討累官

禮部尚書武英殿大學士謚文靖其學該博文章和平寬厚類其德性書兼工真

行 東里集

胡廣

胡廣字光大吉水人建文初以進士廷試稱旨擢第一易其名曰靖授翰林修撰

文皇履極遂進侍講仍復舊名累官文淵閣大學士謚文穆為文授筆立就修高

皇帝實錄五經四書性理大全尤工書法行草之妙獨步一時 列卿記

C. T. LOO & CO.

41 EAST 57th STREET,

NEW YORK, N. Y.

U. S. A.

佩文韻府書畫譜

卷四

上次玄石坡登頂製銘刻石命光大書并大書玄石坡立馬峰六字書無巨筆鈎
以小羊豪次捷勝岡上令光大書捷勝岡於石上多雲母石并書刻曰雲母山 金幼
拔扈從北征錄

胡文穆善真行草名不及解大紳而遇過之北征諸鎮皆其勒石 藝苑卮言

楊士奇

楊士奇初名寓以字行泰和人建文初以名儒薦徵授教職太宗靖難後改編修
入直文淵閣累官少師華蓋殿大學士贈太師謚文貞 吾學編

士奇善行草筆法古雅而少風韻 書史會要

楊榮

楊榮字勉仁建安人初名子榮建文二年進士授編修文皇履極更其名榮簡入
內閣累官工部尚書謹身殿大學士加少師謚文敏 列卿記

榮楷書姿媚動人 書史會要

楊溥

楊溥字宏濟石首人中庚辰進士授編修永樂二年轉司經局洗馬歷官至少保
武英殿大學士謚文定 列卿記

溥行楷俱法趙文敏公 書史會要

蹇義

蹇義字宜之四川巴縣人洪武乙丑進士授中書舍人永樂二年命兼詹事累官吏部尚書謚忠文

列傳記

義善書成祖手授金龍文牋命書外國詔偶落一字奏曰臣敬畏之深輒復有此上曰朕亦有之此紙艱得姑註之耳對曰示信遠人豈以是惜深然之復授以牋更書之

陳沂畜德錄

夏原吉

夏原吉字維喆湘陰人領鄉薦升國子生例入禁廡書誥勅太祖見其字格方正賜緋衣一襲復遣人察諸生所為獨原吉端坐正書竟日不色情上心念之書滿授戶部主事擢侍郎太宗入定大統進尚書贈太師謚忠靖

懷麓堂集

原吉善楷書雖神骨少合晉度筆勢道媚亦有可觀

書史會要

胡儼

胡儼字若思南昌人幼好學若書琴詩文皆有傳授洪武丁卯舉於鄉授華亭教諭文皇聞儼名召試之永樂二年拜祭酒

列傳記

儼文辭妍瞻精於草書

書史會要

儼行書矯健而蒼楷書精熟而整

詹氏小辨

王景

王景字景彰松陽人洪武初起家懷遠教諭建文召修高廟實錄為翰林侍講靖

難後進學士博學能文章善書續藏書

趙毅

趙毅字致遠李本固汝南志云字孟弘汝陽人洪武末年以儒士薦授工科都給事善屬文工草書

永樂中為工部左侍郎列傳記

王達

王達字達善無錫人初以明經授訓導入補國子助教成祖登極與修洪武實錄

擢編修進侍讀學士列傳記

王世貞國朝名賢遺墨有王達書金州續稿

鄒緝

鄒緝字仲熙吉水人洪武庚辰進士除星子縣訓導永樂初入為翰林檢討歷官

左春坊左庶子列朝詩集

鄒緝自號素菴精楷書書史會要

陳洽

陳洽武進人淹貫經史謹敏有才識洪武中薦布衣善書授兵科給事中靖難後

累官兵部尚書鎮交趾贈少保謚節愍吾學編

許廓

許廓字文起襄城人建文乙卯領鄉薦永樂中為工部侍郎隨成祖北征進行在

兵部尚書 列卿記

廓善書翰 書史會要

梁潛

梁潛 列朝詩集 泰和人 洪武二十九年鄉舉 歷訓導 知縣 靖難後 召修實錄 成陞修

撰尋蕪贊善 吾學編

王世貞國朝名賢遺墨有梁潛書 會州續編

朱勇

朱勇字惟貞鳳陽人永樂時襲封成國公贈陰平王謚武愍善大字 書史會要

蘇伯厚

蘇伯厚名坤以字行建安人洪武乙丑以明經薦授建寧訓導成祖即位與修高

廟實錄擢翰林侍書遷檢討博通書史精書法 福建通志

凌信

凌信字尚素吳江人以楷書授中書舍人 書畫史

黃勉

黃勉字宗勉浮梁人二書翰長於律詩洪武中應善書詔擢兵科給事中坐事免

永樂初起為都事進文選郎終浙江左參政 汪宗伊浮梁縣志

高廷禮

高廷禮初名棟字彥恢自號漫士列朝詩集云長樂人永樂初自布衣名授翰林待詔遷為典

籍博學能文工書畫所選唐詩品彙唐詩正聲行於世名山藏

廷禮書得漢隸法列朝詩集

王紱

王紱字孟端名山藏云號友石又號九龍山人無錫人見書家傳少為弟子員永樂初以善書薦供事文淵閣

拜中書舍人列朝詩集

王尹實

王尹實四明人貝泰云官翰林中書永樂時以篆書擅名海內書史會要

王偁

王偁字孟敷長樂人洪武中領鄉薦永樂初以薦授翰林檢討學博思深行草類

蘇子瞻潤書

王尹實王偁以草篆鳴於時鐵網珊瑚

宣嗣宗

宣嗣宗字彥祁書史會要云流凝嘉定人永樂三年詔郡縣舉楷書士彥祁既命從中書舍

人書誥勅無幾簡從事翰林諸學士皆重之宣德初為吏部員外郎東里續集

沈度

沈度字民則詹氏小傳云號自樂華亭人少力學善篆隸真行八分書洪武中舉文學不就成

祖擢爲翰林典籍一時翰林善書如解大紳之真行草胡光大之行草滕用亨之篆八分王汝玉梁用行之真楊文遇之行皆知名當世而胡解及度之書獨爲上所愛凡玉冊金簡用之宗廟朝廷藏祕府施四裔刻之貞石傳於後世一切大制作必命度書度書婉麗飄逸雍容矩度八分尤爲高古渾然漢意累官翰林學士

東里集

太宗徵善書者試而官之最喜雲間二沈學士尤重度書每稱曰我朝王羲之

李
紹文皇明世說新語

沈粲

沈粲字民望度之弟善真草書尤長於詩自中書舍人累官大理少卿自號簡菴

松江志

沈度嘗言於上云臣有弟粲其書勝臣遂亦被徵用

沈津吏隱錄

沈簡菴草聖擅一時真行皆佳與其兄自樂學士同在翰林遭際列聖榮遇罕比

水東日記

粲草書法宋仲珩

書史會要

陸深曰國初書學吾松嘗甲天下大抵皆源流於宋仲溫陳文東至二沈先生特以豪翰際遇文皇入官禁近屢遷爲翰林學士故吾鄉有大學士小學士之稱民則不作行草民望時習楷法不欲兄弟間爭能也

陸儼山集

沈藻

沈藻字凝清朱謀聖云字仲藻學士度子以父任為中書舍人遷禮部員外郎亦以書名松江志

藻真行草書並佳論者云有父風書史會要

沈潮

沈潮度之孫永樂十九年卒年十八所為詩千餘首手錄近代名人詩文及臨寫

古法書尤多東里集

滕用亨

滕用亨初名權字用衡避諱更今名蘇人問學辨博文詞爾雅尤精六書之學篆

法之妙高出近世永樂三年被薦名試篆書作麟鳳龜龍四大字又獻禎符三詩

稱旨授翰林待詔延休堂漫錄

用衡所獻禎符之詩三篇手寫副本而正書篆隸皆具蓋用衡以能書薦起篆隸

尤其所長時未授職故欲以此自見也勉翁家藏集

用衡正書師虞永興書史會要

王璵

王璵字汝玉以字行號青城山人其先蜀之遂寧人從父宦游占籍吳中官翰林

檢討直內閣贈太子賓客謚文靖小楷行書法晉人皆雄秀詹氏小辨

王璉

王璉字汝器官至翰林侍講從宋景濂學詩文古雅亦善書與弟璉齊名

書史會要

梁時

梁時字用行吳江人博學工文章亦善筆札洪武二十一年以善書薦授岷府紀

善永樂初遷翰林典籍

曹一麟吳江志

楊文遇

楊文遇官翰林學士善行書

書史會要

夏景

夏景字仲昭崑山人舉進士為翰林庶吉士以工楷法得幸文皇帝命書宮殿榜

授中書舍人累遷太常寺卿

王世貞吳中往哲像贊

夏曷

夏曷字孟暘太常卿仲昭之兄能書初未知名洪武季年為永寧丞謫戍雲南永

樂乙未仲昭以進士簡入中書習字上臨閱稱善仲昭頓首謝因言臣兄曷亦能

書名試稱旨命與仲昭同拜中書舍人時稱大小中書

甫田集

朱孔易

朱孔易名寅以字行

朱諫聖云字廷輝

華亭人永樂初以能書被選成祖嘗召書大善殿榜

稱旨授中書舍人累官順天府丞

松江志

永樂初詔求四方善書士寫外制又詔簡其尤善者於翰林寫內制且出祕府古名人法書俾有暇益進所能於時孔易兼工署書駸駸詹希元矩度風韻偉然傑出也一日上御右順門召孔易書大善殿扁舉筆立就深荷嘉獎即日授中書舍人明日有旨凡寫內制者皆授中書舍人蓋善書授官自孔易始後北京宮殿成禁扁皆孔易書遂陞編修孔易歷事四朝皆以法書被知遇陞春坊中允

東里續集

朱銓

朱銓字士選族兄孔易以楷書鳴當世銓從之游得鍾王筆法太宗選寫金字經入翰林終刑部侍郎

王誥等江寧縣志

朱奎

朱奎字文徵孔易子亦工署書成化中爲大理卿

松江志

陳登

陳登字思孝長樂人舉才學爲浮梁丞永樂甲申詔吏部簡能書者儲翰林思孝以篆籀最先至時吳中滕用亨待詔翰林工篆籀自視天下無愈已者且恃春秋高輕後進往往折屈之稠人廣坐中思孝就用亨語之戾許叔重者十數事相辨難用亨乃始默默不復自矜時四明王尹實篆書擅名海內考據精博亦推讓思孝思孝於六書本原精考詳究周秦以來石刻雖殘缺剝落歲月氏名無可考審度其出某代某人率中七八其收蓄之富歐陽文忠趙明誠之後所僅見居翰林

十年擢中書舍人朝廷大扁率出其手四方求者無虛日

東里集

陳景隆

陳景隆登之孫舉進士官監察御史能世其學

書史會要

吳勤

吳勤字孟勤永新人永樂二年與修太祖實錄除開封儒學教授為文章詩歌敏而甚工善行楷書在史館時年七十矣運筆如飛館中能書者數百人噴口稱歎

常念其先舍南康故號匡山樵者居武昌又號黃鶴山樵晚更號函翁

解學士集

成祖踐極胡廣薦勤善書召見命書御製永樂大典序例字幾萬餘勤神閒意定書至終紙點畫一無纖訛上大悅

永新志

吳勤字有晉人風格不擇紙筆俱得其妙

書史會要

端木智

端木智字孝思漂陽人與修太祖實錄擢武庫員外郎智在國初獲師事危太樸而宋仲珩饒介之宋仲溫杜叔循皆篤志於書與之頡頏三十四年間遂空冀北無以為比者

解學士集

陳宗淵

陳宗淵

永樂時人

文廟嘗選中書舍人二十八人專習義獻書以黃淮領之一日上謂淮曰諸生習書如何淮對曰日惟致勤耳惟今翰林有五墨匠陳宗淵者亦日習書

然不敢儕諸人之列但跪階下臨榻頗逼真因問卿嘗持所書來否公因出諸袖中乃覽之喜甚曰此何鄉人對曰越陳剛中之後上素聞剛中名改容久之曰自今當令此人與二十八人者同習書淮曰然尚在匠籍又須如例與飲食給筆札俱從之且令有司落其籍宗淵遂得入士流云

劉昌賢詩環探

柯暹

柯暹字啓暉一字用晦

宋謀聖云號東岡

池州建德人永樂乙酉領鄉薦明年預修大典尋

選入翰林歷官雲南按察使

東岡集

柯暹善行草

書史會要

倪維哲

倪維哲晉江人工字書文學才諳見稱永樂二年進士官至郎中

名山藏

陳輝

閩書作輝

陳輝字伯煒閩縣人舉永樂乙未進士授監察御史官終廣東按察副使工詩善鼓琴草書學懷素老而筆力尤勁解縉雅推服之

謝肇淛福州府志

王公亮

王公亮華亭人以能書舉任吏科給事中永樂初擢四川右布政調廣東

顧清松江志

李禎

李禎字昌祺廬陵人永樂中進士官至河南布政不以書名行楷亦可觀

書史會要

黃卓

黃卓江夏人永樂辛丑進士官翰林學士善草書亦善章草

書史會要

王恭

王恭字安中閩縣人自稱皆山樵者永樂四年以儒士薦起待詔翰林與修大典

授翰林典籍 列朝詩集

王恭善書 唐氏小辨

熊槩

熊槩字元節豐城人永樂九年登進士官至右都御史為詩文豪偉健麗尤善草

書 分省人物考

張誠

張誠高唐人以善楷書入太學太宗見而異之授監察御史

王汝訓東昌府志

虞原璩

虞原璩字叔圉瑞安人博涉經史永樂中以楷書薦與修大典竣事將授官以母

老辭歸 名山藏

季德基

季德基與虞原璩同邑亦以善書應薦母老辭歸温州守何文淵皆敬禮之時

語人曰吾守温州得瑞安二隱君子焉 名山藏

臧性

臧性字孟庠鄞人永樂丙戌以能書徵入祕閣繕寫永樂大典己丑成進士授成縣知縣薦授監察御史改良鄉知縣調宜興

張時徹寧波志

周冕

周冕字服卿鄞人玩心字學凡秦漢碑刻晉唐法書必探其精妙永樂中以能書與修大典除正字遷右春坊號訥菴

張時徹寧波志

梁礪

梁礪字子善以楷書纂修永樂大典為大興知縣

符衍深陽志

沈洪 彭戢 潘吉

沈洪字巨源與彭戢汝翼潘吉文迪並善楷書舉修永樂大典洪擢戶部主事戢授樂安丞陞知衡山縣吉為中書舍人

秦夔無錫志

張緒

張緒字廷端常熟人

圖繪寶鑑續纂云與夏仲昭同時

居鄉校有才名以薦為會昌侯府教授詞筆通

膽楷法端勁

常熟志

陸伯倫

陸伯倫太倉人工楷書永樂中薦為中書舍人

太倉州志

張猷

張黻字孟著華亭人書學陳文東勁健有法永樂中爲中書舍人主禮部員外郎

松江志

黻行草隸書咸入神妙

書史會要

張黼

張黼字孟昭黻之弟官中書舍人篆隸得秦漢遺法

書史會要

陳琮

陳琮字叔正吳江人能詩書法道美永樂初徵書誥勅

潘樞章松陵文獻

夏宗文

夏宗文華亭人善真草隸書名重於時預修永樂大典授廣平主簿

松江志

夏衡

夏衡字以平宗文子永樂中沈度以善楷書薦授中書舍人累官至太常寺卿

省人物考

衡篆隸有古則

書史會要

范鼎

范鼎字文鉉華亭人善屬文精書法以薦預修寶錄書成將授官固辭歸授徒於

家別號桂樓時稱桂樓先生

松江志

周賢

周賢字思賢太倉人善書法永樂中詔修大典以母老辭歸號惠齋先生

倉州志

錢肅樂太

丘宗

丘宗華亭人永樂中以楷書辟舉修永樂大典除中書舍人大理寺正

松江志

趙楷

趙楷字宗範精字學永樂中以楷書除廣西都昌縣縣丞

錢肅樂太倉州志

柴仲

柴仲江山人永樂中以楷書舉仕至參議

音昌潤州府志

沈潤

沈潤武義人永樂六年應楷書例入監任監察御史

黃春武義縣志

趙友同

趙友同字彥如金華人少從宋景濂游攻古文辭善書為華亭訓導與修永樂大

典

松江志

方正

方正合肥人由楷書任工部主事終福建左布政

朱鏞廬州府志

陳鐸 葉藻

陳鐸葉藻巢縣人並以楷書任給事中

朱鏞廬州府志

茹洪

茹洪字仲宏一字樊明無錫人質敏好學喜異書工書畫永樂中以楷書薦名入都名重公卿間

無錫志

唐文楷

唐文楷字子彰以善楷書徵至文淵閣與修永樂大典欲官之以母老懇歸教授於鄉

徵事

胡宗敏

胡宗敏歛人永樂十六年以楷書徵赴文淵閣宣德九年除泰安知州

徽州志

李勝

李勝字仲質以楷書薦預修永樂大典已而中鄉舉授無為州判官

劉繼善南平縣志

江得

江得東流人永樂五年以楷書充貢官至按察司僉事

何紹正池州府志

王賓

王賓諸生善楷書永樂六年以楷書被徵授中書舍人遷禮部郎中

苗承璉海寧縣志

許性

許性善楷書永樂六年與王賓同被徵授贛州府同知遷刑部郎中

黃承璉海寧縣志

蔣暉

鳳文齋百畫譜 卷四十一 書家傳十九 二十七 同文圖書館印

蔣暉字廷暉仁和人博學善楷法永樂中薦入翰林授中書舍人歷禮部郎中兼侍書分省人物考

范暹

范暹字起東號葦齊東吳人見畫家傳蔣廷暉之壻工書法韓昂園繪寶鑑續集

張頤

張頤錢塘人永樂五年以楷書生員選授禮部郎中轉刑部杭州志

周旼

周旼字中和浦江人以文辭知名尤工真行書永樂初召入文館與書大典擢中書舍人鄭柏賢達傳

范能

范能

范能字仲能崑山人精醫善吟尤工法書永樂初被徵以母老力辭方鵬崑山志

趙遠

趙遠字弘仲崑山人永樂中由楷書授臨朐縣丞遷禮部主事擢河間知府周世昌

崑山志

黃蒙

黃蒙字養正以字行善楷書永樂中授中書舍人宮殿坊扁碑刻多其所書温州志

吳餘慶

吳餘慶字彥積別號斯白宜黃人能詩文尤善真草篆隸永樂六年以薦除中書舍人歷右通政兼知制誥評者謂其楷如美女簪花草如瑞雲飛空流水赴壑

黃約仲

黃約仲名守以字行永樂初徵至京師試上林曉鶯天馬詩擢第官翰林典籍進檢討精楷法詩得唐人門徑啓夢相與化府志

楊尹銘一作允銘

楊尹銘鄞人永樂間以楷書進歷官中書舍人小篆師周伯琦張時徹寧波志

烏斯道贈楊允銘小篆歌云元初最數松雪翁白野亦可追其蹤鄱陽伯温用心

苦錢塘益思無限功四明文運代不泯學字亦有前賢風三代鼎彝俱在目楊生

晚出叅其中烏斯道春草齋集

張憬

張璟甬東人善詩文小楷行草師鍾王張時徹寧波志

張順

張順江西奉新人永樂中累官國子監丞學者稱為誠齋先生工草書入妙品書史

會要

曹壽

曹壽字曼齡豐城人文章雅贍尤工臨池永樂八年以經明行修薦授江都訓導擢春坊右司諫歷工部尚書贈太子少保謚文莊

盧廷選南昌府志

劉日升

劉日升河間人以書選入翰林

解學士集

黃童

黃童字仲器懷安人事母盡孝永樂中以楷書徵入文淵閣繕寫大典書成當拜官乞終養母累徵不起

閩書

何博

何博字宗文別號牧羊子金華人永樂中官行人治水於吳工詩文書有晉人典

則

書史會要

平思忠

平思忠

蘇州志云自號退翁

吳江人永樂中官陝西參政善行楷

書史會要

曹衡

曹衡字士望青浦人精敏好學尤善真行草書仕至工科給事中

青浦志

陳敏

陳敏松江人永樂中以能書徵除知茂州陞四川左參政

松江志

俞宗大

俞宗大善楷法以薦授中書舍人歷吏部郎中致仕

松江志

俞珙

俞珙宗大子亦能書為中書舍人

松江志

俞順

俞順宗大孫亦能書仕終南京鴻臚寺丞

松江志

王可與

王可與字希與能文善書永樂間以賢良薦不就隱居授經

括蒼志

潘暄

潘暄字時暘號半散嘉定人舉進士官至刑部郎中善楷書行草亦能作大書

史會要

陳撝

陳撝字仲謙武昌人永樂中寫御容稱旨書宗趙文敏

書史會要

楊弘

楊弘字德弘以楷書拔萃授宜春知縣

周士英義烏縣志

卓迪

卓迪字民逸自號清約善篆喜為詩奉母隱居絕無聲利居山之久景趣漸涵時見於翰墨之間奇峭深蔚自視米南宮父子以下不論也後以能書選入翰林

王臣

王臣字存節以能書授鴻臚序班亦善篆

書史會要

金畝

金畝字希尹讀書刻苦精詣永樂間邑以楷書薦郡守芮麟令書字以觀因書游

子吟復之遂拂袖歸

李默建寧人物傳

胡子昂

胡子昂盱江人能詩嗜飲字體逼趙松雪自號竹雪

瞿佑歸田詩話

唐子儀

唐子儀名文鳳以字行歙人善真草隸書辟教紫陽書院尋以薦授興國令文皇擢為趙王府紀善後調洛陽丞

分省人物考

陳儀

陳儀字羽伯常熟人通篆隸能鑒古器物

蘇州志

陳佑

陳佑字惟孝儀子篆刻尤精亦善鑒古有小篆千文

蘇州志

黃守一

黃守一安福人以貲豪里門為人所誣陷亡匿新淦之玉笥撫之太華遇異人頗

得其道家書符咒之屬喜為詩學唐人楷書

解學士集

陳廉

陳廉字平叔福清人善草書學張長史晚居黃山構醉墨堂自號雪蓬散人

徐勳

陰新檢

陳廉學書二十年篆籀草隸皆嘗究意而草隸尤為時重林鴻高廷禮諸名士皆有詩美之

書史會要

陳廉草書得懷素法尤工篆隸求者如市每遇故人與會輒解衣揮灑頃刻數十紙其他貴要求之不屑也

福州志

王建中

王建中字懋德閩縣人官博士草書學陳廉聲價重一時

福州志

胡正

胡正字端方廬陵人官御史草書用筆如篆

書史會要

孫玉

孫玉字彥暉慈谿人洪武中其父為人所誣械送京師卒於道玉年十二即匍匐返櫬歸葬及長受徒養母力學不懈工詩善草書嘗舉賢良方正不就又以明經薦亦不就

張時徹寧波志

田致平

田致平字叔衡奉化人爲詩累千百言字用章草篆隸書帖應荅無倦初爲鄉里童子師比老不出方丈之室號夢覺關

張時微寧波志

王毓

王毓字用賢鄞人

見畫家傳

工隸書自號香雪坡老人

張時微寧波志

林銘

林銘字良箴長樂人工詩文草書琴尤精嘗與王恭高棟往來自號琴樂子棟有

琴歌贈之

閩書

陸友仁

陸友仁名輔以字行華亭人沈粲弟子也善楷書官中書舍人遷禮部主事

松江志

沈洪

沈洪字雄仲其先世爲中吳富室萬三公中衰嘗游京師從陳登習篆時程雲南亦有書名洪又從之學凡漢隸八分真行章草皆能書但拘於繩墨殊乏風韻偃

蹇老於江湖

皇甫沔長洲志

李熹

李熹字景豫號琴清道人博雅能詩書法趙文敏晚更號來鶴

王應麟鎮江志

陳尚銘

陳尚銘錢唐人工書法喜吟詠縉紳重之

張昇文信公集

支子傑

支子傑嘉興人工詩善行草書

支如玉支子述餘

范廷珍

范廷珍字惟中洪永間人學極該洽喜吟咏字法歐陽尤長於齋閣題署求者踵接年九十餘猶日作數十紙弗厭

方鵬崑山志

葛貞

葛貞字原良有至行不涉聲華樓居度文籍以自愉鬯詩有晉唐風書法王右軍人稱為悠然先生

徐待聘上虞縣志

丁禮

丁禮字思敬號蘭室耽吟詠工書札永樂中獻周禮補注

王應麟鎮江府志

劉布

劉布字孟升長樂人嗜古書法習書山中二十餘年篆籀為時所重

閩書

俞行之

俞行之字文輔清江人善草書及章草俱工妙

皇明書畫史

馬端

馬端工楷書永樂中人仕至壽州知州

褚相霍州志

鍾誌

鍾誌字汝持閩縣人

閩書云自號樂壽山人

善楷書深得歐陽詢筆意

謝肇淛福州府志

陳旭

陳旭字叔旦閩縣人亦善楷書士大夫皆重之

福州府志

陳琦

陳琦天長人精書法為工部主事

張鑑天長縣志

楊子超

楊子超

楊士奇季父

安貧守義喜為詩文工大字名其所居齋曰木蝨書

東里續集

陳孔立

陳孔立

楊士奇奇舅

白水縣丞教人學書必謹法度曰不精真楷不可以趨行草然其平生

未嘗作楷書而行書特佳士奇嘗以質焉笑曰汝但為魯男子不用說柳下惠也

東里續集

尹昇

尹昇武昌人嘗為千戶為人慷慨豁達有俠氣好草書明四聲等字之學喜賓客尤喜接儒者所居直黃鶴樓之北面大別山據武昌勝處作小亭其中亭中嘉客

無虛日

東里續集

張衡

張衡字以平詩筆清麗書法道美被徵入京師書誥勅以老乞歸

鄧鞅常熟志

鄒穎

鄒穎字會原有清才書學趙孟頫得意可亂真無善篆隸以薦為四夷館儒士

常熟志

周許

周許字時顯和敏得士愛為吉安府學訓導善草書超縱有神正書小字清媚可

觀

常熟志

薛章 孫詡

薛章字大章孫詡字甫卿同學張雨書後皆以隱終

常熟志

朱天宥

朱天宥字洪恩正書學沈度草做解縉

常熟志

張潮

張潮字思信自幼嗜學尤精於書隱居授徒未嘗輕出

方鶴崑山志

方瀾

方瀾字叔因其先莆陽人至瀾居吳中閉門讀書恒教授以自給善詩尤工筆札

吳中人物志

蘇復

蘇復字性初長洲人以貢仕至綿州知州書得晉人筆意

蘇州志

張收

張收字用軫號放翁又號朴軒長洲人於書無所不讀尤善音律之學永樂初徵至京問以治道及時政稱旨賜予獨厚官之不拜還故里惟以琴書自娛善小楷求者接踵應之無倦容

張氏世譜

曾魯

曾魯字敏道讀書好禮教授里中善楷書書法顏歐頗得其肯綮雖老猶日課百字至今其書猶有傳者

錢南樂太倉州志

包公慶

包公慶號九芝山人松陽人能詩文善書劉見重於世

括蒼志

尹寬

尹寬字孟容號易齋吳江人善書

書史會要

朱雲

朱雲吳江人善楷書

書史會要

陳肅

陳肅號梅雪清江人能書

書史會要

佩文齋書畫譜卷第四十一

書家傳二十

伊恒

伊恒字宗有吳人徙金陵少從博士弟子遊書蹟甚善名侍東宮洪熙初與修撰金問同被命待詔闕前進符璽少卿

王圻續文獻通考

龐敘

龐敘字明敘吉水人永樂初詔郡縣舉善書士隸兩制書制勅又簡其尤者十數人從學士於內閣明敘與焉除中書舍人洪熙初為禮部儀制郎中

東里續集

姜濬

姜濬字子澄工書仁廟在東宮召寫金字經洪熙中授中書舍人歷稽勲主事出守雲南廣南府

劉思敬存徵錄

衛靖

衛靖字以嘉崑山人洪熙初以能書薦入直文淵閣進禮部主事

劉鳳續吳先賢贊

劉仲珩

劉仲珩泰和人洪熙中官蜀府長史工正書有書法要覽刻石行世

書史會要

曾祭

曾祭字子啓永豐人永樂二年進士第一人授翰林修撰讀書文淵閣宣宗時為少詹事贈禮部左侍郎謚襄敏工書法草書雄放有晉人風自解胡後獨步當世

李時勉

李時勉名懋以字行安福人永樂二年進士選庶吉士讀書文淵閣宣宗時進侍讀學士後為國子祭酒贈禮部侍郎謚忠文善書鈎畫之內聚精藏鋒一筆不苟

名山藏

忠文清風勁節風表百世而書法乃婉媚而有致

金州續藁

陳敬宗

陳敬宗字光世慈谿人永樂甲申進士選庶吉士宣德時為國子祭酒德望文章名聞天下別號澹然居士又號休樂老人

列卿紀

敬宗小楷斐疊饒晉人意負臨池名固不虛也

金州續藁

敬宗行草任筆成形如蒼蚪老檜鐵屈銀蟠但欠圓熟耳

書史會要

凌安然

凌安然字晏如歸安人自少力學尤工書楷書學晉小篆師秦相永樂中薦授中書舍人宣宗時為右僉都御史

列卿紀

龔永吉

龔永吉字天民義烏人善楷書得鍾王之法永樂庚子舉於鄉會試乙榜不就入太學宣德初授兵部職方主事終南京大理寺卿

列卿紀

蔣驥

蔣驥字良夫錢塘人舉庚辰進士授行人宣宗時為禮部侍郎素善筆札嘗奉命

書烈女傳 列御紀

陳璉

陳璉字廷器東莞人洪武庚午舉人宣德初為南京國子祭酒後調南京禮部侍

郎文詞典重著作最多 列御紀

璉詞翰俱清雅 王世貞國朝名賢遺墨生跋

黃翰

黃翰字汝申華亭人永樂壬辰進士宣德中為山東按察使詩文豪健敏捷字畫

亦道勁行草題署得名 顧清松江志

翰善隸書尤工草草筆力雄健而有則與宋仲溫相髣髴 書史會要

吳凱

吳凱字相虞崑山人為弟子員以工書被選修永樂大典還以貢上中順天府鄉

試宣德五年授刑部主事改禮部遂乞歸養私謚貞孝先生 震澤集

劉實

劉實字嘉秀號敬齋安城邑東竹江人宣德進士入翰林官終南雄守為詩文時

有高趣草書飄逸師晉體 書史會要

吳惠

吳惠字孟仁宣德中以進士授行人歷官廣西參政好賦詩善行草

王鏊震澤編

陳紹先

陳紹先字宗述吳縣人爲文簡質書亦清媚宣德初徵授荊州府學教授遼王奏授紀善謝歸以筆硯自食人購之不輕與

蘇州志

盧瑛

盧瑛字克修

開國臣傳云熊曾孫

宣德五年進士性敏學博工古文篆籀終刑部主事

崑山人物傳

陸贊

陸贊字順德

方洲集云號養正

海鹽人宣德間以詩文名兼善篆隸爲人嚴毅莊重以禮法

自持鄉人謚之曰貞一先生

海鹽圖經

陸贊書法宗智永而自成家篆隸八分間出於詞翰中平生文事思緩筆精始終無急就之作

方洲集

李寯

李寯字邦傑宣德壬子鄉貢成化初爲山西右參政嗜學工書爲人所重

徐拭湖廣

續志

徐明善

徐明善邵陽人工詩文善草書宣德中以明經舉本學訓導楊文貞公薦知鈞州

湖廣通志

劉淵字伯廣江陵人天資俊逸字法趙松雪詩倣薩天錫宣德九年舉經明行修

授京山教諭 湖廣通志

陳信

陳信字秋鴻嘉興人宣德間為句容教諭博學工草書善吟咏陞南京武學教授

丁賓句容縣志

鄭觀

鄭觀字尚賢武進人博學善屬文工篆隸書宣德中舉為安遠侯府訓導歷監察

御史廣東按察僉事 孫偉德田比陵志

黎斌

黎斌華容人宣德間舉楷書為寧縣丞 懷麓堂集

沈愚

沈愚字通理崑山人以詩名與劉溥諸人稱十才子善行草曉音律詩餘樂府傳

播人口或勸之仕曰吾非籠絡中物也斂跡不出業醫授徒以終其身 列朝詩集

蕭曰賓

蕭曰賓年少而喜書嘗闢一軒盡取晉唐以來諸家法帖藏其中并置筆墨臨寫之顏之曰學書軒曾蔡西墅集

周號一作吳

周號字德元崑山人有司兩以賢良薦不就工於篆隸凡碑碣題署多出其手蘇州志

莫藏

莫藏字用行初號佩觿子後更號素軒博書史善篆隸行楷古文字書陳暹海鹽縣志

姚綸

姚綸字允言嘉善人爲詩清麗有思致書法得晉人體隱居教授嘉善縣志

盧屋

盧屋能詩善書以子瀚貴贈兗州推官李廷龍維揚志

陳用原

陳用原字志道東莞人性敏嗜學工詩文長於書翰黃佐廣東通志

陳穎

陳穎江陰人以善楷書舉歷官按察僉事江陰志

李昶

李昶字啟明姑孰人以醫名於時且好讀書能吟詩善楷書清河書畫舫

王錫

王錫字克剛長樂人仕歸善知縣工草書號醉樵

閩書

林彬

林彬長樂人宣德中貢士任和州以善書預修大典

閩書

謝克銘

謝克銘平橋人號用拙太倉人宣德間以草書馳名

吳中人物志

彭敘古

彭敘古善書楊東里挽詩云年過二十工書法往往揮豪逼古人

書史會要

林宗 林完

林宗字思孝號世梅弟完字思勉號梅屋俱隱居事學並善楷隸世稱二林先生

鄧敬常熟志

林儒 林傅

林儒字應良傅字應祖俱宗子亦善篆隸

鄧敬常熟志

陳景茂

陳景茂宣宗時人宣德五年林震榜進士題名碑金幼孜撰文禮部精膳司郎中陳景茂

篆書劉中柱六館日抄

王直

王直字行儉朱謀聖云號柳菴泰和人永樂二年進士正統中為吏部尚書與王文安公英

齊名時稱二王贈太師謚文端列卿紀

王直善行楷結構老成筆法精妙書史會要

王英

王英字時彥朱謀聖云號泉坡金谿人永樂二年進士庶吉士入翰林正統中為南京禮部

尚書謚文安文章典贍尤善草書吾學編

魏驥

魏驥字仲房蕭山人永樂乙酉舉人正統中為南京吏部尚書致仕歸求文者不

絕篇章之富山刊板刻幾徧天下謚文靖列卿紀

魏負書名雖圓健而不免俗藝苑苑言

金問

金問字公疏吳縣志云別號恥菴吳縣人永樂二年被薦為司經局正字正統中為南禮部侍郎

文章雅健善書得魏晉筆法列卿紀

錢習禮

錢習禮名幹以字行吉水人永樂七年進士入翰林為庶吉士正統中為禮部右

侍郎謚文肅列卿紀

習禮善行草書史會要

張益

張益字士謙吳縣人永樂乙未進士選庶吉士改中書舍人正統中為侍講學士
謚文僖文章雅健有法楷書亦工列卿紀

高穀

高穀字世用興化人永樂乙未進士改庶吉士授中書舍人正統中為工部尚書
謹身殿大學士謚文毅列卿紀

穀嘗奉命入寺寫經兩歸而跣人曰病矣穀曰病直穀耳若閣老言上不寫佛經
不病甚矣名山藏

穀書文弱秀潤可愛而不甚著藝苑卮言

張楷

張楷字式之慈谿人登永樂甲辰進士第正統中為右僉都御史為文有古法善
行草篆隸尤耽於詩未嘗一日廢吟咏呂原文懿公集

程南雲

程南雲詹氏小辨云字清軒號遠齋南城人永樂初以能書徵授中書舍人精篆隸為時所尚正統

中為南京太常卿列卿紀

南雲篆法得陳思孝之傳隸真草俱有古則又善大字書史會要

長陵碑正統初程南雲奉命書英宗實錄

趙敏

趙敏字子聰汝陽人能文章工書畫永樂庚子舉於鄉授兵部主事正統中擢吏部郎中從上北征陷於陣李本固汝南志

王一寧

王一寧號節齋仙居人永樂十六年進士授工部主事改翰林修撰正統時入內閣草書深得懷素自敘法書史會要

馬愉

馬愉字性和臨朐人宣德二年進士第一正統中以禮部右侍郎兼學士直內閣贈禮部尚書列御記

王世貞國朝名賢遺墨有馬愉書弁州續藁

金湜

金湜字本清號朽木居士鄞人正統辛酉舉於鄉以習古書法授中書舍人陞太僕寺丞篆隸行草綽有漢晉人風度寧波志

李東陽古墨林卷跋云卷首三篆字太僕丞金湜本清書金善摹印篆亦不俗懷

麓堂集

金溥

金溥字本深湜之弟湜為中書時以書法薦仕至池州守寧波志

張翔

張翔字元龍性清介不苟善楷書篆隸尤工詩文正統初以材薦知歐寧仙居二

縣終瀘州知州 周世昌崑山志

林文

林文字恒簡莆田人宣德庚戌進士第三人授行在翰林編修正統初與修宣廟
實錄陞修撰英宗復位拜學士終太常寺少卿 列卿紀

林學士文題張氏手澤記辭翰皆質勝 王世貞國朝名賢遺墨跋

張翰

張翰安丘人正統間由進士授廣東監察御史陞江西左參議致仕 分省人物考

張翰草書法懷素清勁有骨 書史會要

張約

張約翰弟亦善書 書史會要

張汝昌

張汝昌字仲光正統辛酉舉人為大名府同知能詩書法倣宋克號求己生 錢肅樂

大名州志

徐觀

徐觀字尚賓華亭人少工翰墨正統辛酉舉於鄉游國學才名益著交南朝鮮諸

國使者至購其書以爲榮授武選主事

松江志

宋璪

宋璪字克純華亭人少游京師從婦翁俞宗大學楷書正統乙丑舉進士拜御史數言事謫安福典史天順初起知大庾調新淦未幾謝病歸治園時菊更號菊存

松江志

胡斆

胡斆字孟文江山人邃於經學爲文近古尤善楷書正統三年領鄉薦爲國子助

教徐文溥江山縣志

陳勉

陳勉字進之無錫人正統七年貢入太學歷官工部員外郎工大書

無錫志

張紳

張紳字仲書正統間登商輅榜進士授行人終山東參政工書片紙隻字人視之爲拱壁

丁賓句容縣志

張綽

張綽字時裕爲山東恩縣教諭好學善書

丁賓句容縣志

沈訥

沈訥字文敏崑山人正統七年登進士第授大理評事天順二年爲福建按察副

使善小楷得宋克筆意鄭文康平橋藁

溫良

溫良字允仁晉江人正統十二年舉人能文章又工於書朝士乞書者至滿屋壁

片東隻字重於兼金終中書舍人清源文獻

蔣良

蔣良字希玉全州人正統丁卯舉鄉貢選授河西知縣改廣東都指揮使司副斷
事讀書求大義為詩裁取適意不事雕繪而教子務通博以古文草篆為法病革
時名冢子昇於外手書數十字與之懷麓堂集

曾纘

曾纘字廷器邵陽人正統戊辰進士授戶部主事富於詩文善楷書陸東寶慶府志

邢讓

邢讓字遜之善書得李北海體正統戊辰進士選庶吉士授檢討終禮部左侍郎

范巖襄陵縣志

陳助

陳助字賢佐精率更書法旁曉篆隸正統初以薦授桐廬縣丞陞知臨江新淦縣

改金谿崑山人物傳

陳敏

同文圖書館印

陳敏字思懋正統中為彭澤教諭工真草書文辭敏贍時輩推重

閩書

岑俊

岑俊字子英慈谿人隱雲巖通經史百家工書學篆隸尤入妙正統間舉經明行修以親老辭

張時徹寧波志

莊琛

莊琛字廷璽晉江人工四體書筆法遒勁正統時授大理評事擢廣西按察僉事

閩書

周鼎

周鼎字伯器嘉善人博極經史為弟子師正統中大征閩寇沐陽伯金忠參贊軍務辟置幕下授沐陽典史年近九十修杭州志燈下書蠅頭字界畫烏闌信手姐目不折紙為範豪髮不爽

列朝詩集

伯器結法亦蕭灑

王世貞三吳楷法跋

韓定

韓定威縣人善書正統初入翰林授鴻臚寺序班累官至太僕寺少卿

蔣彬廣平府志

鄭達

鄭達正統中為藍屋尹書虞文靖公十三詞有宋元遺法

安世鳳墨林快事

王麟

王麟正統間山陽教諭詩文楷書妙絕一時擢四川山東提學僉事

陳沂南畿志

張曷

張曷字德遠永昌人善行草

黃中永昌府志

易恒

易恒字可久長沙人正統中自滇徙居騰衝績學篤行尤善書工詩文

黃中永昌府志

陳贄

陳贄字惟成餘姚人以薦為訓導纂修宣宗實錄稱有史才任翰林待詔累遷太

常少卿書法得晉人筆意

紹興志

蘇鏞

蘇鏞字良璇別號守愚性敏好學善柳書法正統間人

李默建寧人物傳

蘇鉦

蘇鉦字良聲鏞從弟工吟咏善楷書號竹坡

建寧人物傳

胡應東

胡應東龍溪人曲靖府經歷善詩文精篆隸真草書

閩書

襲錡

襲錡字台鼎一字良器建安人博學善詩字畫道勁官翰林編修

閩書

朱紳

佩文齋書畫譜 卷四十一 書家傳二十 四 同文圖書館印

朱紉字孟端建水州人嗜詩文工書畫有竹坡集

張繹臨安府志

凌廣

凌廣字仲傑建水州人號蒼雪道人能詩工篆書

張繹臨安府志

余孜善

余孜善字慶之臨川人

撫州府志云正統間以能書薦

官給事中善行楷

書史會要

施達

施達字德孚號梅坡咸陽知縣博學善楷書

田樾全椒志

劉瑜

劉瑜字尚美號西崖工詩文善行草書

田樾全椒志

黃梅

黃梅字時濟號憨仙善行草書自成一家為海寧丞

田樾全椒志

徐叔礪

徐叔礪善詩能草書正統間薦於朝不起遂終身焉

歐陽東鳳與化縣志

黃惟天

黃惟天字景高黃樞孫善於字學筆法純粹

鄉明齋集小傳

沈恪

沈恪字克敬會稽人為入孝友善題署魏驥林鴉皆重之今子孫猶世其楷法

孫鏞

鄒魯遺

鄒魯遺餘姚人善署書法張即之今西興渡莊亭古蹟是其所書書家謂入能品

孫

鏡紹興志

凌暉

凌暉英宗時人明崇福寺碑兵部左侍郎淳安商輅撰中書舍人錢唐凌暉書

析津日記

張天保

張天保英宗時人明慈源寺碑正統初太常少卿括蒼潘辰撰中書舍人張天保書

沈進行圖

錄

程學

程學英宗時人正統十年商輅榜進士題名碑曹鼐撰文中書舍人程學書

六館日抄

于謙

于謙字廷益錢塘人永樂十九年進士文如雲行水湧有奇氣詩清麗頃刻于言景

泰時為兵部尚書加少保贈太傅謚肅愍

吾學編 杭州志云 萬曆中改謚忠肅

王世貞國朝名賢遺墨有于肅愍公書

余州續景

俞山

俞山別衡嘉興志 船云初名基字積之號梅莊秀水人永樂癸卯中鄉試為崑山訓導正統中奏為

伴讀擢鴻臚寺丞陞少卿尋拜吏部侍郎為文章根據經史詩歌清麗典則善大篆

呂文懿公集

陳詢

陳詢字汝同華亭人永樂戊戌進士選庶吉士授編修景泰五年為國子祭酒

列卿紀

詢工於草書興至輒揮灑求者恒接踵焉

呂文懿公集

楊翥

楊翥字仲舉景皇帝在邸時為宮僚以醇謹見重景泰初用舊臣為禮部侍郎奉身還吳宦橐清貧寓棲故人家詣闕表賀受尚書以歸

楊循吉吳中往哲記

王謙

王謙武進人領鄉舉為太常寺少卿

列卿紀

景泰二年柯潛榜進士題名碑大學士陳循撰文太常寺少卿王謙書

六館月抄

沐璘

沐璘字廷章襲指揮僉事景泰間為右軍都督同知鎮雲南天順初陞右軍都督好讀書長於吟咏尤工篆籀草書大字

李鳳雲南通志

汝訥

汝訥字行敏吳江人景泰四年鄉試中式屢試禮部不中素善書會修英宗實錄
意匏翁家藏集選入史館授中書舍人擢兵部員外郎再遷郎中出知南安書法清勁得晉人筆

汝君行敏其為書楷正有法表然出儕輩凡卿大夫士所得誥勅皆願得君手筆

故君書傳於世日多懷麓堂集

張寧

張寧字靖之朱謀雲云別號方洲海鹽人景泰五年進士授禮科給事中成化時出為汀州知府

五言學編

張寧善書書史會要

任道遜

任道遜字克誠瑞安人七歲能賦詩作字徑數尺有法有司以神童薦宣宗聞而
奇之面試其書命為國子生景泰初授順天府照磨仍以書藝供奉累遷至太常
寺卿自號坦然居士又號八一道人匏翁家藏集

曹泰

曹泰字時和號九峰華亭人松江志云景泰甲戌進士工行書亦善章草書史會要

羅麟

羅麟字仲祥性敏善書舉景泰四年鄉試累官廣東參議存徵錄

劉昌

劉昌字欽謨吳縣人正統乙丑進士景泰初授南京虞衡主事終廣東參政為文

典雅詩尤溫麗

李氏續藏書

王世貞國朝名賢遺墨有劉昌書

舟州續景業

劉嘉緒

劉嘉緒字協中欽謨之子也年數歲據小几習書選古詩儼如成人十五喪父盡

讀其遺書年二十四而卒

楊循吉松籌堂集

嘉緒文筆如泉湧詩亦清遠與楊循吉頡頏一時尤善書最得古法

吳縣志

聶大年

聶大年列朝詩集云字壽卿臨川人景泰間用薦起為仁和訓導博涉羣書篤意古文及唐人

詩書法李北海其名傳於遐邇

姜南蓉塘詩話

大年書法趙承旨能自運俊爽可愛

詹氏小辨

何觀

何觀晉江人景帝初為中書舍人謫九溪衛經歷轉知象山縣致仕歸善草書嫁

女無以為奩與書一簾隱跡古玄山中不關俗務鄉人高焉

名山藏

羅琥

羅琥字彥武茶陵人以楷書選入中書授南陽府通判景泰時擢南京戶部郎中

李淳

李淳號憩菴茶陵人李東陽父精通楷書東陽書先府君遺墨後云嘗衍永字八法變化

三十二勢及結構八十四例著論一道景泰間上之朝懷麓堂集

林春

林春字孟陽代州人工古文詞且精書翰景泰庚午領鄉薦授應天通判性酷好

書每暇輒磨墨伸紙揮汗呵凍不輟字體清勁迥麗得者皆珍襲之分省人物考

劉泰

劉泰字世亨海鹽人能詩文工行草書景泰中以庶吉士授監察御史海鹽圖經

張端

張端朱謀聖云字正夫將樂人少負才名景泰間以薦授鑄印局使直南薰殿善楷草書尤

工篆隸丘瓊山嘗作考隸辨以遺之延平志

沈性

沈性字士彛一字克循號砥軒景泰時進士官至寧國守詩章字畫皆有古意書史

會要

翟政

翟政字以德安陽人景泰時進士仕至山西僉事罷政歸日誦詩學書取古帖臨

寫書史會要

劉侃

劉侃字克剛景泰初領鄉薦選知涇州擢知延平府謝病歸受徒自給號樂間公

工楷書詩文亦清麗沈堯章嘉興府志

林宗道

林宗道字仲學景定間領鄉薦為文詞氣豪逸尤善隸書晚年用筆益蒼勁閩書

封錦

封錦字尚綱書史會要作尚文號慎菴嘉定人景泰間歲貢官東平州同知善篆隸亦能行草楊旦嘉

定志

錢暉

錢暉字允暉常熟人景泰間為浙江都司經歷能書真隸大字善吟常闢南阜別

業有山水花竹之勝日與騷人觴咏自娛常熟志

汪瀚

汪瀚字以淵祁門人善具草書領景泰癸酉鄉薦授福州通判終處州同知徽州志

朱晷

朱晷字寅仲建水州人能詩工書畫都督沐璘重禮之張繹臨安府志

董璣

董璵詹氏小輯云錢塘人景泰五年孫賢榜進士題名碑大學士陳循撰文吏部考功司郎中

董璵書六館日抄

徐有貞

徐有貞初名理字元玉吳寬行狀云號天全舉進士改庶吉士授編修後迎太上皇於南城復

辟進兵部尚書華蓋殿大學士封武功伯於書少所不窺能詩歌善行草得長沙

素師米襄陽風王世貞吳中往哲像贊

武功真書法歐陽率更而加以飄動微失之弱藝苑卮言

武功書法古雅雄健名重當時書史會要

岳正

岳正字季方別號蒙泉灤縣人正統戊辰進士授編修英宗復辟直內閣憲宗時

出知興化府為文高簡峻拔追古作者詩亦雅健脫俗字法精邃大書尤偉旁及

雕繪鐫刻悉臻其妙懷麓堂集

彭時

彭時字純道安福人正統戊辰賜進士第一天順初為吏部尚書文淵閣大學士

贈太師謚文憲列卿紀

王世貞國朝名賢遺墨有彭時書兪州續集

葉盛

葉盛字與中崑山人正統乙丑進士授兵科給事中進都給事中遷山西參政天

順二年英宗驛召至京擢僉都御史終吏部侍郎謚文莊

列卿紀

葉盛善行楷得蘇文忠筆意

書史會要

劉鉉

劉鉉字宗器

金州續纂云別號假菴

長洲人永樂中以善書徵入翰林筆法温媚推重一時久之

中鄉試授中書舍人景帝時為國子祭酒英宗復辟擢少詹事贈禮部侍郎謚文

恭

名山藏

周瑄

周瑄字德孚陽曲人宣德乙卯鄉舉授刑部主事天順二年為刑部侍郎終南京

刑部尚書

列卿紀

王虛觀碑禮部尚書吳溟撰刑部侍郎周瑄篆

析津日記

李紹

李紹字克述江西安福人宣德癸丑進士選庶吉士天順中為禮部侍郎刻苦問

學有異書及古碑文字必購求之字畫出入晉唐間參以蘇長公剛勁奇逸自成

一家

列卿紀

李紹與人評書必先法度見有稍不合則者曰是無師承不足觀也

分省人物考

黃諫

黃諫字廷臣蘭州人正統壬戌進士及第授編修天順中為侍講學士博涉諸經
子史百氏之書為文根極理致尤工於詩兼善書工古隸篆 列卿紀

黃諫博學工書著從古正文五卷 藝林宗之 梁維樞玉劔尊聞

趙昂

趙昂字伯顥號竹溪常山人正統乙丑進士授中書舍人英廟復辟超擢通政使
司左參議仕雖未達而姓氏甚著童兒隸卒皆稱為趙伯顥先生無異辭尤博涉
羣籍苦吟咏工書翰 懷麓堂集

劉珏

劉珏字廷美號完菴長洲人舉應天鄉試補太學生授刑部主事遷山西按察僉
事老而嗜學不衰為詩清麗可詠書正行出趙吳興 王世貞吳中往哲像贊

劉珏書效雲麾行草各極其妙 吳中人物志

官廉

官廉字汝清 張昇文僖公集云號韋軒又號後樂居士 東萊平度人登天順甲申進士授工部主事終戶部郎

中楷行草書頗得二王法 劉翊古直集

官廉最好晉人遺帖雖疾猶臨做不懈 張昇文僖公集

孔公恂

孔公恂字宗文穎敏絕人能詩善書天順丁丑進士給事中禮科陞少詹事 吾學字編

孔氏世家

胡信

胡信字宗實丹徒人天順元年進士授戶部主事遷知鶴慶軍民府為詩文溫潤

典則書法得晉人體王應麟鎮江府志

左贊

左贊字時翊江西通志云號桂坡盱之南城人學書於程南雲以詞翰名於時天順丁丑登進士

第擢吏部主事成化中為廣東右布政何喬新椒丘文集

左贊書法兼諸體而尤精於隸得二蔡筆意書史會要

丘霽

丘霽字時雍鄱陽人天順丁丑進士歷官知蘇州府能詩文工懷素草法負才子

名鄱陽志

朱貞

朱貞字惟正天順元年進士知磁州進四川參議幼工楷法晚變為行益妙江寧府志

沈鍾

沈鍾字仲律上元人天順庚辰登進士授驗封主事終山東按察副使所至詩成

輒大書道勁盈咫竟壁無敲斜魯鐸文恪公集

張泰

張泰字亨父太倉人天順八年進士選庶吉士授簡討遷修撰喜為詩雖不學書

亦翩翩可喜 列朝詩集

馬愈

馬愈字抑之嘉定人天順甲申進士官止刑部主事能詩善書縱佚不羈人號為

馬清癡 列朝詩集

王徽

王徽字尚文號辣齋南京人天順丁丑舉進士選庶吉士除南京刑科給事中弘

治初拜陝西左參議文章師韓歐詩倣王維劉長卿筆札適勁鑒別古書畫器物

尤稱精博 儲懌崇墟集

尚文工小楷 金陵瑣事

左明善

左明善字復初四川富順人天順丁丑進士為臨安知府善書翰人得片紙隻字

至今珍重 張繹臨安府志

徐忬

徐忬字德充號雲崖嘉定人天順中舉人善楷書行草宗聖教序 書史會要

葉藻

葉藻字惟潔華亭人善行草天順中鄉舉官至太僕寺丞

松江志

盧儒

盧儒字為己號重齋崑山人

列朝詩集云天順初以薦授中書舍人

博學能文善筆札文學韓柳書法歐顏

自負甚高誠亦時流罕及

水東日記

伍福

伍福字天錫臨川人正統甲子領鄉薦授咸寧教諭天順間薦為陝西按察僉事遷副使詩文典雅篆隸真行草書流麗俊美

許大經撫州府志

吳與弼

吳與弼字子傳

書畫史云號康齋

崇仁人潛心理學善為詩天順元年用忠國公石亨薦特

勅召見授左諭德固辭不拜

列朝詩集

康齋書迹奇怪自成一家

書畫史

洪昌

洪昌字汝言晉江人為常州府學訓導經學純正議論雅古長詩文善草書

閩書

姜立綱

姜立綱字廷憲瑞安人七歲以能書命為翰林院秀才天順中授中書舍人歷官

太常少卿善楷書清勁方正中書科寫制誥悉宗之

書史會要

立綱書體自成一家宮殿碑額多出其筆日本國門高十三丈遣使求扁立綱為

書之其國人每自夸曰此中國惠我至寶也嘗臨湖舍作皆春二字適有操舟過其前衝濤駭浪遂成風波行舟之勢法書行於天下稱曰姜字名山藏

立網小變二沈為方整就其體中可謂工至而不免俗累藝苑卮言

馬紹榮

馬紹榮字宗勉太倉人慕范仲淹之為人號景范蘇之常熟人登天順壬午鄉舉成化元年試書中選授中書舍人至太常寺少卿與永嘉姜立綱並以能書名姜善子昂紹榮善宋克為一時宗蔡羽林屋集

柳楷

柳楷字文範永嘉人見畫家傳與廷憲同直內閣詩文書畫皆佳妙圖繪寶鑑續纂

趙榮

趙榮字孟仁閩縣人正統間以楷書生員授中書舍人直文淵閣迎英宗還為工

部左侍郎名山藏

俞綱

俞綱上元人以生員善書由中書舍人天順中官南禮部左侍郎存徵續集

袁彬

袁彬江西人英宗北狩以校尉見上察其能書留之累遷都指揮使名山藏

蘇致中

蘇致中字雪瑕蜀郡人官至太守以墨妙流聲景順間評者謂其出入鍾王懷素而自適天然之趣書史會要

蘇雨

蘇雨致中四代孫亦善書書史會要

張翼

張翼字文翔太倉人慷慨尚氣節善書宗歐顏其書龍門諫院題名記尤超偉天順間謫戍開平故其書名嶺北水東日記

章瑾一作莊瑾

章瑾字公瑾號采芝華亭人宋莊敏公之後能詩善草書學二王而硬健骨立自成一家水東日記

錢進

錢進字景升別號菊菴吳縣人攻書法始授學吳太常既乃精思摹索晉唐諸名帖嘗曰法者迹也巧者所以神妙也吾將心致其巧終不至泥古法迹故其書成一家而士大夫珍之天順間有薦之朝者不報何景明大復集

許廉

許廉字清夫蒼州人三歲過州治憩城下仰見城扁蒼州二字因以手畫地宛然成書自是資性朗悟日誦數百言試以詩皆立就稍長通詩書春秋旁涉百氏尤

工書法有司舉賢良不就徜徉山水間

懷麓堂集

杜瓊

杜瓊字用嘉家吳城之樂圃里孝友退讓為鄉人表率世稱東原先生又稱鹿冠

道人

吳中往哲像贊云私謚淵孝先生震澤集

杜瓊善書

書史會要

閻丘觀

閻丘觀字賓用長洲人少好學長益喜習書攻詩詩平實有理致書得晉人筆意

約公羽家藏集

黃暹

黃暹字孟東莆田人為祁陽縣儒學訓導善書畫能吟咏

劉敬祁陽縣志

李厚

李厚字文山雲南思明人為三吾驛丞善楷書

祁陽縣志

陸鑪

陸鑪字國馨號筠臺嘉定人書宗鍾王小楷遒勁沈著八法俱備人爭愛重行草

章草亦入矩度

書史會要

余謙

余謙英宗時人天順元年黎淳榜進士題名碑吏部尚書李于賢撰文順天府丞余謙書

六

陳翀

陳翀英宗時人明安國寺碑天順元年禮部尚書胡濙撰中書舍人陳翀書

行國錄

凌耀宗

凌耀宗英宗時人天順四年王一夔榜進士題名碑吏部尚書李賢撰文禮部儀制司員

外郎凌耀宗書

六館日抄

謝宇

謝宇英宗時人天順七年彭教榜進士題名碑吏部尚書兼華蓋殿大學士李賢撰文禮

部祠祭司員外郎謝宇書

六館日抄

吳謙

吳謙英宗時人明天慶寺碑天順戊寅尚寶司卿重慶蹇英撰禮部員外郎錢唐吳謙書

行國錄

商輅

商輅字弘載淳安人宣德乙卯發解乙丑會試廷試復舉第一為翰林修撰成化

中歷少保兼吏部尚書謹身殿大學士贈太傅謚文毅

列卿紀

王世貞國朝名賢遺墨有商輅書

弁州續彙

劉珣

一作翹

劉羽字叔溫號古直壽光人正統戊辰進士改庶吉士授編修成化中爲戶部尚書謹身殿大學士贈太保謚文和

列卿紀

公書法飄逸行草尤長

徐溥謚齋集

錢溥

錢溥字原溥華亭人正統四年進士試薔薇露詩大見稱賞授檢討成化中爲南

京吏部尚書謚文通

列卿紀

溥小楷行草俱工

書史會要

原溥書蓋宋仲溫派也磴磴負峭骨所乏者姿耳

王世貞三吳楷法跋

錢博

錢博字原博溥之弟正統乙丑進士授南京刑部主事終四川按察使工古文詞

善楷書行草

松江志

錢博真行出自宋仲溫

藝苑卮言

國朝楷草推三宋首稱仲溫然未免爛熟之譏又氣近俗但體媚悅人目爾二沈

兩錢承之益就纖濃遂成雲間字習

詹氏小辨

韓雍

韓雍字永熙吳人正統七年進士成化中爲右都御史總督兩廣軍務謚襄毅摘

詞灑翰風生泉湧天才逸發

吾學編

夏時正

夏時正

嘉善縣志云初名尚

字季爵仁和人正統十年進士成化初為南京大理卿博學高才

工詩文書寫最善多著述尤詳禮文之事

吾學編

陳鑑

陳鑑字緝熙長洲人正統戊辰進士成化中為國子祭酒平居無聲色之好好止藏書矜古書畫器物而已為文才瞻而氣完善筆札臨摹古人真蹟殆不可辨

翁家藏集

鑑日臨褚摹楔帖故似之而原本過佻不若魯男子之善學耳

余州續纂

鑑作大字勁健奇古當代珍之

書史會要

林鶚

林鶚字一鶚太平人景泰二年進士成化中為刑部侍郎贈尚書謚恭肅秉禮植

義造次必恭慎公餘輒危坐閱書史臨古帖作楷書

吾學編

余子俊

余子俊字士英青神人景泰二年進士成化中為兵部尚書贈太保謚肅敏

吾學

編

王世貞國朝名賢遺墨有余子俊書

余州續纂

倪謙

倪謙字克讓上元人成化中為南京禮部尚書贈太子少保謚文僖

列傳

倪文僖公與僧求竹帖却無意而有筆

王世貞三吳墨妙跋

沐琮

沐琮字廷芳號益菴又號東山居士成化乙酉嗣爵鎮雲南善草書歌詩樂府

瑰麗可觀贈太師謚武僖

開國臣傳

江玘

江玘字用良仁和人景泰辛未進士授禮科給事中成化時出為山東參議遷

參政

分省人物考

浙江布政司重建貢院記戶部尚書大學士淳安商輅文山東左參政致仕仁

和江玘書

廖瑜杭州府志碑碣目

陳獻章

陳獻章字公甫新會人居白沙村人稱之曰白沙先生正統丁卯中鄉試兩赴

禮闈不第從吳聘君講伊洛之學憲宗時授翰林檢討能作古人數家字山居

筆或不給束茅代之晚年專用遂自成一家時呼為茅筆字得其片紙藏以為

家寶交南人購之每一幅易絹數疋

張翊白沙先生行狀

陳徵士獻章作詩脫略凡近其書法得之於心隨筆點畫自成一家

游潛步蕉詩話

羅倫

羅倫字彞正永豐人成化二年進士第一為翰林修撰謫副提舉福建市舶復官改南京尋辭疾歸閉門授徒日以注經為業

吾學編

倫善行楷法文信國筆力清健結構端嚴評者謂為翰墨中珊瑚玉樹

書史會要

莊景

莊景字孔暘號木齋又號定山居士江浦人成化丙戌進士授檢討上疏忤旨

調湖廣桂陽判未行改南京行人司副陞吏部郎中白沙先生曰定山草書迥

然自成一家

湛若水甘泉文集

景為詩握唐人機軸變幻百出往往近踵風雅其字畫亦然

嚴從簡使職文獻

定山深解書法或問張汝弼草書曰好到極處俗到極處問如何則可曰寫到

好處變到拙處曰何居曰所謂行墨因調性者是也

書史會要

張弼

張弼字汝弼

名山藏云華亭人松江志云晚號東海翁

成化丙戌進士授兵部主事進員外郎出守南安為文

自立一家言詩多警句往往為人傳誦其草書尤多自得酒酣興發頃刻數十紙

疾如風雨矯如龍蛇敲如墮石瘦如枯藤狂書醉墨流落人間雖海外之國皆購

其蹟世以為顛張復出也

高濂澤集

張東海草書名一世詩亦清健有風致嘗自評其書不如詩詩不如文予戲之曰

英雄欺人每如此不足信也

李西涯詩話

東海張先生守南安時各郡收兵議賞武夫悍卒乃惟願得俟墨妙而過客亦往往以是罷誅求焉歲以筆劄佐郡費類此

張翁先道言

東海在當時以氣節重其書學懷素名動四夷自是吳中書家輩出聲價少減然行押書尤佳今見者少可

容臺集

張弘宜

張弘宜字時措號後樂南安守東海公之仲子成化辛丑進士官至廣西按察副

使詞翰得東海遺法尤長於署書居然朱晦翁體

何三畏雲間志略

張駿

張駿字天駿號南山華亭人工書法行草隸篆入妙入神與東海齊名時號二張

景泰癸酉舉於鄉成化初為中書舍人直文華殿後以禮部尚書致仕

雲間志略

天駿用南安體更變輕弱

藝苑卮言

駿草書宗懷素得其龍蛇戰鬥之勢論者病其傷於雕琢故居張東海之下

書史會

要

蕭顯

蕭顯字文明號履菴更號海釣永平山海衛人成化戊辰進士擢兵科給事中終

福建按察僉事為詩清簡有思致書尤沉着頓挫自成一家卷軸徧天下傳至外

國分省人物考

蕭顯與張南安同時以狂草稱款苑卮言

王獻

王獻字惟臣號退菴仁和人景泰辛未進士成化中為太常寺卿兼學士作詩文有奇氣作字飄逸類其為人列卿紀

林章

林章字以成錢唐人以大書薦於朝景泰初授中書舍人成化中為太常寺少卿書法適勁尤精鑒賞懷麓堂集

姚黼

姚黼字廷章自號松雲姚綬父博涉書史工草書尤善五七言詩築室數楹中列古彝鼎器金石遺文法書名畫優游自樂人皆以可閒先生稱之錢溥松雲姚處士志銘

姚綬

姚綬字公綬嘉興人天順中英宗賜為進士以監察御史事憲宗尋出知永寧解官歸所居在大雲里東饒水竹作室曰丹丘嘯咏其中人稱丹丘先生又作涪江虹月之舟遊泛吳越間甚適善書法鍾王勁婉咸妙畫初學水墨後遂進學唐品

得古意楊循吉松雲堂集

姚綬書類張伯雨書史會要

姚句

姚甸字用宣別號可竹晚號觀頤子綴詩宗杜字學沈民則憲宗時以善書薦直仁壽殿授鴻臚寺序班錢福鶴灘集

蔣文藻

蔣文藻與姚丹丘同隱大雲執師資之禮書畫步趨丹丘六研齋筆記

桑琳

桑琳字廷貴桑悅之父常熟人好學工詩善書法性恬澹喜黃老術錢肅樂太倉志

桑悅

桑悅字民懌別號鶴溪道人唐氏小辨云號思玄領成化乙酉鄉薦三試得乙榜除泰和訓導遷

長沙通判調柳州書法趙子昂其俊秀實祖二王圓勁方正又得北海遺法思玄集

小傳

悅行楷宗晉人草書流暢法懷素常熟文獻志

朱應祥

朱應祥字岐鳳號鳳山松江人與桑民懌並以文名成化丁酉以歲貢薦南畿書

兼數家道勁有法度尤長於題壁松江志

應祥博學工詩善於行草書史一曾要

陳旦

陳旦字武臣太倉衛學生號易齋更號甘隱桑悅負才尚氣不輕與人接見惟與

日交甚密旦亦愛桑書法摹寫之多逼真

陳如繪冰玉堂綴逸棠

李承箕

李承箕字世卿人稱大厓先生嘉魚人成化中領鄉舉不肯會試往見白沙久之歸日端坐一室客至相與劇飲賦詩醉起書之劄草濡墨斜斜整整無不如意

澤集

陳鋼

陳鋼字堅遠號渥宜子鄞人徙南京舉成化乙酉鄉試授黔陽知縣擢長沙通判書法借河南所摹蘭亭奕奕有致

江寧志

薛穰

薛穰字有年鄞人成化壬午舉應天鄉薦授涿州知州改灤州博學能文詩宗唐

人書法學鍾王

張時徹寧波志

楊茂元

楊茂元字志仁鄞人成化五年進士授刑部主事正德中為刑部右侍郎工篆隸草書字畫適勁匪特臨池之功抑亦正毅之氣隨寓而見也

分省人物考

林俊

林俊字待用莆田人成化十四年進士授刑部主事遷署員外郎僧繼曉以祕術幸上發內帑數十萬為建永昌寺西華門太監梁芳主之臺諫莫敢言俊上疏直

聲大震都下傳草有繪圖而鬻者世宗時為刑部尚書贈少保謚貞肅

名山藏

俊書宗蘇米頗得筆勢

書史會要

涂瑞

涂瑞字邦祥番禺人成化丁未進士授編修陞修撰以文學著聲性豪宕不羈尤

善書法

廣東通志

吳佐

吳佐平湖人成化乙酉舉人授岳州通判工書法善吟咏

平湖志

華清

華清字廉夫應城人成化八年進士為蘇州府推官工書畫善吟咏

馬倫德安府志

史琳

史琳字天瑞餘姚人成化丙戌進士官至右都御史贈太子少保善書

分省人物考

翟瑛

翟瑛字廷光江寧人成化丙戌進士歷官太常卿作字運筆如飛結體流麗可愛

金陵瑣事

奚昊

奚昊字時亨別號干東子華亭人登成化己丑進士官至刑部郎中性嗜書手未

嘗釋卷口未嘗絕吟興至則臨漢晉法書書輒盈几

雲間志略

邵珪

邵珪字文敬宜興人成化己丑進士官至嚴州太守善書工碁詩亦有新意有半

江帆影落尊前之句人稱為邵半江列朝詩集

珪善草書小楷得晉唐人筆意常州志

曹時中

曹時中初名節以字行號定菴又號晚宜居士華亭人登成化己丑進士官至浙

江按察副使喜為懷素草書竟日不倦雲間志略

時中以詩名尤工書晉唐名家皆能以意會懷素宋克則愛而摹倣者晚年益精

小楷嘗曰自少至老已覺世味淺薄惟學書一事可以消日書史會要

陶成

陶成字懋學寶應人成化辛卯舉人工詩畫篆隸號雲湖仙人寶應志

黃謙

黃謙字撫之號紫芝江寧人成化壬辰進士授工部主事工詩善書法碧峰寺額

其筆也存徵錄

黃謙行草遒勁古雅榜書更妙金陵瑣事

何洪

何洪上虞人官鴻臚寺序班崇壽寺碑成化十二年翰林國史院編修仁和汪諧

撰文何洪書 釋昭永木葉山花記

張西銘

張西銘字希載寧州人工詩文字頗類晉而加勁健成化乙未進士官至河南道

御史 張繹臨安府集

楊榮

楊榮字時秀餘姚人成化壬辰進士為戶部主事長於詩書學懷素 分省人物考

沈瀚

沈瀚字東之號敬齋歸德人成化甲辰舉進士授西安府推官正德中為建寧知

府工正書好為詩長於歌行 李廷機文節集

李經

李經字士常號力齋臨淮人成化戊戌進士入翰林為庶吉士拜河南道御史善

楷書 懷麓堂集

趙寬

趙寬字栗夫世居吳江之雪灘因號半江成化辛丑會試第一人仕終廣東按察

使為文雄渾秀整行草亦清潤 半江集小傳

尹蓋

尹蓋字廷臣成化中以進士拜監察御史謫判澧州擢知鄖陽府博學工詩尤工

書人以爲得晦翁筆法

震澤集

李漢

李漢字充昭號方塘南昌豐城人成化進士官至工科都給事中平生喜追晦菴書法久乃逼真

羅玘圭峯集

陸淵之

陸淵之字克深上虞人成化中進士授禮部主事出知敘州府後參政河南進右布政使篤行好學詩文有古意書善行草

孫鑛紹興志

李旻

李旻字同仁益都人善行草書成化中領鄉薦授同州守改潞州

分省人物考

馬獻

馬獻字公信

江寧府志云成化二十年進士

官郎中書法趙孟頫

金陵瑣事

屠勳

屠勳字元勳籍平湖後居秀水成化乙丑進士授工部主事累官至刑部尚書加

太子太保

項元廉秀水志

嘉善劉侯去思碑平湖刑部尚書屠勳書

鄒衡嘉興志補

陳欽

陳欽字亮之號自菴成化二十三年進士官廣東提學副使

江寧府志

自蒼工書人寶愛之顧起元峇塵贊語

施槃

施槃字彥器號新齋成化甲辰進士官至山東按察副使工草書人共珍之表應謀

善藏疑志

陳大章

陳大章字明之號月隴盱眙人見畫家傳官至太僕少卿有詩名尤工行草圖繪寶鑑續纂

陳焯

陳焯字文曜號恥菴閩縣人成化時官浙江左轄志高行潔妙翰墨善吟咏片言

隻字為人寶惜書史會要

陳焯

陳焯字文厚閩人成化辛卯鄉貢性豪宕疎曠工詩善行草書達宦貴人求不能得至具酒脯屬田父野叟反得之自號棲雲叟閩書

趙子禧

趙子禧字慶夫鶴慶府人成化十四年由舉人為建水州儒學訓導有文學習章

草字清勁可愛張鐸臨安府志

張錫

張錫成化時貢士善草書嘗云觀二王法帖極信子敬不及逸少蓋逸少聖而神

者變化無所不足獻之雖云至妙其大而未化者邪

書史會要

徐博

徐博

書史會要云字德宏號竹居徐惟弟

嘉定人成化中以監察御史出知巴東縣卓有聲譽工書法

湖廣總志

周庚

周庚字原已初名京吳縣人家世業醫而庚善讀書工古文詞善行楷成化中以名醫徵歷官太醫院院判

蘇州志

顧謙

顧謙成化時貢士以楷書薦舉官主事

金陵瑣事

陸鑾

陸鑾字克和七歲能詩歌成化間以善書徵授鴻臚序班

過庭訓平湖志

洪鍾

洪鍾

江西通志云字季和崇仁人年十八登弘治庚戌進士除中書舍人附禮部員外郎

四歲能作大書憲宗召見命書聖壽無疆鍾握筆

久之不動上曰汝容有不識者乎鍾叩頭曰臣非不識第此字不敢於地上書耳上命內侍舁几一揮而就

皇明世說新語

崇仁洪鍾四歲隨父入京至臨清見牌坊大字題額索筆書之遂得字體至京師

設肆鬻字憲宗聞之召見

治世餘聞

沈應奇

沈應奇字天瑞七歲能大字以神童薦憲宗名試命書皇帝字應奇俯伏奏曰書皇帝字乞賜一几上奇之字復稱旨命授中書舍人時內閣萬安奏當令讀書不宜使有官遂改送順天府學中正德己卯鄉試與修武宗實錄成復授中書舍人

張時徹寧波志

吳東升

吳東升成化間為百戶善楷書劉士亨寄之詩云墨花香滿研池頭盡說能書老戶侯額免分豪犀授管冷金箋上字雙鉤

田汝成西湖遊覽志餘

杭城十門皆東升書額淨慈寺壁書南屏二大字結構尤佳

杭州志

支鑑

支鑑字汝同崑山人小楷學夏仲昭

書史會要

支鑑整潔自喜都不與世作緣每旦起拂拭几案手界烏絲欄作百十楷字蠅頭蟬翼具有尋丈勢或請書宮廟墟墓碑版莊體勻畫無異小楷人以爲得書中三味云

崑山人物傳

陳謙

陳謙字士謙姑蘇人居京師能楷行書專效趙松雪華媚可人時染古紙偽作趙書猝莫能辨購書者踵接戶外

懷麓堂集

張翔

張翔字騰遠澤州人工書善記誦入州學為弟子員以例貢禮部授朝邑訓導懷

麓堂集

胡鍾

胡鍾字應律號澹菴撫州豐城人好學工書法以山水琴書自娛封監察御史魯錚

文恪公集

朱夏

朱夏字口南別號勉齋吳人元儒學提舉德潤之曾孫周世昌崑山志云朱吉之孫以授徒為業為

詩文語皆平澹如其人尤精於書甚得楷法匏翁家藏集

蔡桂芳

蔡桂芳字德馨崑山人居京師攻書翰所摹東坡三刻用意精到與真蹟不差豪

髮匏翁家藏集

郁瓊

郁瓊字文佩號松坡上海人文體好為連珠書如趙文敏而遒勁有加焉魯文恪公集

李元壽

李元壽崑山人物傳云字仁山號鹿野翁崑山人少工書嘗書諸經四書小本楷法精善三原王

端毅公巡撫江南見而愛之呼為李生使侍舟中為人淳篤而又善書以是為縉

紳所重碑石多其所書

歸有光震川集

王瑛

王瑛字廷輝美容儀工書畫

上崇慶端溪集

陳文

陳文字汝明號謹齋性嗜學為文出人意表書法晉人小楷亦自拔俗

端溪集

倪祚

倪祚攻詩善真行書

秦梁無錫志

莫懋

莫懋字雲樓無錫人

見畫家傳

好為張旭狂草

無錫志

王佑

王佑字彥貞雅尚文學所交皆一時才俊尤善草隸吟咏別號玄谷道人

楊德政建

陽志

張乾

張乾字惟健太倉人

見畫家傳

能作大字州初立時題額多出其手以薦入直仁智殿

錢

肅樂太倉州志

史循

史循咸陽人成化十八年輸粟濟邊拜散官善書翰通子史大略教鄉社子弟二

百餘吉人咸陽縣志

王暘

王暘字時暉慈溪人鄉舉在高選五試禮部不售居國學餘十稔漁獵百氏作古文近體詩辭及晉人書日益工將擢中書舍人遽以疾不起無不痛惜之呂文懿公

集

劉蒼

劉蒼字伯春鷹揚衛千戶九歲嗣官十五入武學篤志刻勵通書史又能書江寧府志

志

沈本初

沈本初字大中詩有韋孟風小楷絕類顏平原時稱二絕崑山人物傳

張晟

張晟字德齋嗜學好古能大書官千戶江寧府志

蔣主孝

蔣主孝存徵錄云字宗倫工小楷金陵瑣事

項麒

項麒憲宗時人孤山三賢祠重修記南京大理寺卿致仕夏時正文南京刑部郎中項麒

書廖瑜杭州府志碑碣目

石璞

石璞字元素崑山人性翛然不樂仕進書法蔡君謨有肖神處

崑山人物傳

周裡

周裡字維敬為府掾補樂平簿改興國尋告歸登臨眺咏好著述工草書

松江志

方炯

方炯字用晦莆田人學醫於蜀人虞仲文能詩工書自號杏翁

八閩通志

孫適

孫適號東巖老人錢塘人隱居甘泉里有詩名善行草

杭州志

陶玻

陶玻字仕珩縉雲人七歲能賦詩善楷書後厭科舉究心聖賢著仁家訓諸錄注

尊見鳴諸藁

何鐘括蒼藁記

葉綬

葉綬字叔章上虞人中江西鄉試仕應州學正學問該博尤善古篆

書史會要

梁淮

梁淮字伯海泰寧人工詩文善真草篆隸書教授鄉里號雲麓樵者

慶富泰寧縣志

沙洪

沙洪字文遠臨高人從吳琦學豁達坦夷善書大筆尤道勁

唐曹瓊臺志

沙廷梧

沙廷梧洪子官汀衛經歷作楷有父風規

瓊臺志

鄭海

鄭海右所人書名獨步一時稱入品盡得楸押鉤格抵之法點畫生動不苟

瓊臺志

志

傅佐

傅佐字秉忠右所人善書小楷尤峻密成化間任鴻臚寺序班陞中書舍人後以

武功為廣東後衛百戶

瓊臺志

吳震

吳震瓊山人善真草篆隸書為左衛經歷

瓊臺志

柳濟

柳濟字孟淵別號耕叟德化人善楷書

李汎九江府志

吳鑒

吳鑒字宗道為醫學訓科莊定山勸令讀書遂從講學能詩善草書

沈孟化江浦縣志

張順

張順字弘裕錢唐人成化中為定州學正草楷篆隸靡不精佳

韓上桂定州志略

余孟奉

余孟拳無錫人善小楷仕保定新城訓導

秦變無錫志

陳綱

陳綱憲宗時人抄 成化二年羅倫榜進士題名碑大學士陳文撰文禮部郎中陳綱書

六館日

王禮

王禮憲宗時人明隆安寺碑成化中禮部郎中關西倪讓撰中書舍人廣昌王禮書

香河志

佩文齋書畫譜卷第四十一

佩文齋書畫譜

卷四十一

書家傳二十

五九

同文圖書館印

佩字號書書語

卷四二

C. T. LOO & CO.
41 EAST 57th STREET
NEW YORK, N. Y.

NO. 513
HGT.
LENG.

三二



